

三才藻異

人而奇行傳者
執術而絕勝者
仙釋而異著者

AE
4
T8
1689
v.7



三才藻異

古董屠粹忠芝巖著

古燕方 良國貞校

人而奇行傳者

巢谷

舉進士、學兵法、與二蘇善、年七十三、徒步
梅訪轍、復至新訪軾死、轍哭之失聲、

七旬徒步萬里悲歌蘓哀巢覆翟歎門羅

郭亮

梁冀露李固屍、敢臨者罪、弟子亮成童提
鉞秉鎗、詣闕上書、乞收固屍不許、哭臨之

三尺之童一斗之膽兩行之淚萬夫之感

賈易

七歲孤母彭氏以紡織自給日與十錢使從學易不忍使一錢每浹旬輒還之

如懷乳哺鳥如飛子母蛺符家駒徐家雛

宋則

于十歲與蒼頭共射弦斷矢激誤中子死奴就誅則察而恕苟爽深美之

愛可割情可恤盍教車之螢莫嫺紀之蝨

陽城

絕糧遣奴求米奴以米易酒醉臥於路城迎負歸奴未醒及覺日寒而飲何責

醉豈風流飢難日併主固稱賢僕亦中聖

江革

會稽郡丞遷無一物舸輕乃取岸石十餘舫實之謝朓候時大雪割牛氈克臥具

兩袖清風滿船明月有石根雲無氈臥雪

諸葛誕

為郎與僕射杜畿試船陶河風覆俱溺
虎賁救誕誕曰先救杜侯飄岸幾絕

非○不○畏○死○何○忍○獨○生○先○人○後○已○古○道○今○情○

北郭騷

家貧晏子與粟養親後嬰得罪遂刎以
白嬰諉託友奉筭進友亦刎追嬰返

生○也○可○受○知○君○有○母○死○也○不○朽○知○君○有○友○

向雄

鍾會辟為從事會死無敢殮雄葬之司馬
昭召責曰先王掩骼埋胔豈卜功罪昭悅

成○君○德○掩○主○骸○此○大○義○舉○耳○豈○小○不○忍○哉○

華秋

貧傭養母母死廬墓有白兔被逐匿其膝
得免後兔常宿廬中詔表之盜相戒勿犯

白○兔○懷○仁○白○鳩○應○詔○禽○獸○且○然○而○况○於○盜○

徐憲號
白鳩郎

吳達之

嫂亡無以葬、自賣身以營塚槨、

溺○援○以○手○葬○鬻○其○身○達○則○從○權○永○則○從○經○董永

王徽之

為桓冲馬曹、問管幾馬、曰不知馬、何知數、問死多少、曰不知生、焉知死、

為桓司馬○作方外狂○溺職須戒○肆志何妨○

羅道琮

徙嶺表、有司斥者死、琮許攜歸、瘞路左、赦歸、積水失殯處、琮祝水沸、得屍還鄉、

放還兩地○生死一身○鯨波天意○馬鬣人心○

孫法宗

父沒海、母兄餓死、流落十六年、還覓父屍、沿海見骨滴血、十年不得、衰經終身、

慘已極○骨難跡○海枯淚未乾○天崩經不易○

李晦

私第有樓下臨其人候晦言曰微賤家有老幼出入非便晦即日毀樓

出入可安物我一致遷廬古今逆旅天地

王潛

夜宴盜入其家盡取飲器旦方知笑曰盜亦好飲耶竟不問

作糟粕觀遊得失外非酒腸寬乃器量大

元德秀

兄子喪親無資得乳秀自乳之數日潼流令魯山不娶李次孫哺主生潼

天欲保孤男忽生乳孝本終身可儔次孫可侶

楊邦乂

不視非禮同舍拉去託言故舊實娼館也娼出楊疾還解衣冠焚之流涕自責

無心花柳何棄衣冠請顏氏目作魯男看

江堪

轉吏尙無兼衣餘食上召遇澣衣稱疾經日衣成赴召牛餓求草良久日可與飲

澣衣辭疾苦節可稱牛飢飲水吏飢飲冰

扈鐸

早孤伯育之伯卒遺腹子生抱哺同臥十年弟病禱天日鐸父子可去一勿喪伯弟

請代一身勝彼十起慕伯道風續公旦美

成象

父母死廬墓日篩土三斗於墳上虎豹環廬而臥燕百餘集廬中禾同穗

同穗徵孝異類徵仁猛虎可格傲象難馴

張翬

蔡京延訓子日汝曾學善走否國事爾翁壞盡亂必先至告京乃請計後荐入直

以我危言拯彼高足世無埋輪君應推轂

蔡順

採薪母齧指即歸拾樵供母賊異之母死未葬火逼伏棺哭火返母畏雷聞即伏墓

慟則火回齧則心感天格風雷賊吐肝膽

蘓旻

父卒負土治墳忽雨浸墓決之得金五錠盡買藥治棺以施人遺產悉歸弟

遺產不受遺金可公熊袞

錢雨同雨季玘讓弟同風

董黯

鄰王寄無行二母各言其子寄伺黯出毆母竟卒廬墓俟王母卒斬寄首祭母自首

此古之純孝也具堅忍力而成錫類仁者

楊慶

父病刲股又刲肝及乳饋者五後母病取乳燒灰和藥愈

吾取其心如見其肺曾是孝乎恐難為繼

夏孝先

父亡廬墓野火燎近茔遶墓號慟鳥獸羣集以毛濡水滅之

昔聞返風今見濡羽顏烏可羣成象可語

韓靈敬

母亡貧無以葬與兄靈珍種瓜半畝朝採瓜子暮即復生遂辦葬事

天不雨錢地不點石瓜瓞綿綿孝思奕奕

劉璉

兄璉夜隔壁呼璉不答下牀著衣立然後應兄怪其久日向東帶未竟

愛鄰長枕敬可書紳願言同氣相應同聲

華寶

八歲父豪戍長安別日須我還為汝上頭父歿寶年七十不婚冠或問之輒慟

舞膝有爛呼天無幘均有童心爾嗟影隻

薛包

弟輩求分產不能止，奴婢收老，日爾不能使田廬取荒，日少所理，器取朽，日身所安。

其言也。讓其心，則友彼。鬪於墻，與骨俱朽。

徐份

父陵疾篤，燒香泣涕，跪誦孝經，晝夜不息，三日而愈。顧歡以之禳邪。

誠可格神。儒可勝釋，始信孝經。古今藥石。

李善

李元僕，元遺孤，續貲多，奴婢謀殺分財，善潛逃，自哺乳，主續長理業，後善拜舍人。

舍人有潼，幼主有齒，千古紀綱，一身模楷。

素趙孝

一作值。後漢亂，食人弟禮為賊得，孝聞自縛詣日，弟餓羸，不如孝肥，賊感並放之，拜諫議。

甘割烹完骨肉，賊尚有肝腸，人可無手足。

鳳綱

漁陽人常采百花埋百日煎成丸暴死納口即活自服數百年不老

效衆口芝作大還丹曷教釀酒遍饋高年

孔姥百
花釀酒

羊侃

南還置酒客張儒才醉船失火延燒七十餘艘侃命酒不輟才逃慰待如舊

義山重量海寬梯航無敵國樽俎亦安瀾

要離

殺妻斷臂往刺慶忌釋之自刎

忌亦腹君君何仇報毀身全名要亦難料

弘演

衛懿公被狄殺食肉舍肝演遣使還報刺腹納公之肝而死桓公聞復立衛後

受命不辱歸命不欺肝膽與共社稷以之

諸御已

楚莊築層臺諫者皆死御已輟耕入諫而罷

棄○犢○而○來○披○鱗○而○效○地○下○諸○人○幾○多○含○笑○

王敬弘

見兒孫歲中不過一二恢之假還定省不見假盡醉呼至復不見

不○耽○鴛○鷺○不○作○馬○牛○子○平○婚○嫁○君○視○蜉○蝣○

危翁一

光澤人業樵聞徽欽北行哭三日而死季炳以詩弔之

一○夫○向○隅○九○天○無○日○生○乏○斧○柯○死○畱○翰○墨○

許散愁

白首不娶帝講經問之日少不登變童牀不入季女室不知老之將至賜百絹

效○潛○龍○却○跨○鳳○一○匹○配也已○嫌○多○百○匹○四丈將○安○用○日匹

馮伸

知邕州治舍有井相傳飲卽死伸日汲無恙有金花木花開瘴起伸故宴其下無害

汲水何疑賞花何病詩曰無邪孔曰有命

阮籍

避禍專事酣飲司馬昭欲求婚籍醉六十日不得言鍾會欲因事罪之皆醉免

六旬可酣一事不決寓昭於昏藏智於拙

何曾

從無聲色好年老與妻相見已南向妻北面再拜上酒酬畢便出一歲不過再三

犯齋入獄河魁在房再拜上酒雖腐何妨

王固

信佛聘西魏宴饗請停殺羊羊於周前跪拜又宴昆明池設網固祝之一鱗不獲

拜跪有羊踴躍有鯉設教以神禦敵如鬼

張旌

治無錫見重囚在獄天寒呼出曝日囚遁

囚○無○生○理○曝○亦○陰○功○令○溫○冬○日○帝○坐○春○風○

穆修

毫豪士成寺守張知白召修作記士壽以五百求載名修投金去日不以匪人汚文

斯○文○無○價○擲○地○有○聲○萬○縑○韋○却○貫之萬一○字○君○珍○

崔縱

父有嬖妾以母事之妾剛酷縱雖顯猶數加笞詬率妻子候顏色承養不懈時難之

恃○寵○而○驕○承○歡○不○懈○安○得○季○鷹○一○椎○稱○快○嚴武椎擊父妾

周澤

安丘人習春秋遷太常嘗臥病齋宮妻往問大怒以犯齋禁送獄

情○乖○伉○儷○迂○入○膏○肓○河○魁○未○犯○貫○索○先○嘗○

茅焦

始皇遷母后，諫死者二十七人，焦解衣曰：天有二十八宿，欲滿其數，悟而止。

爲主尋源，敢辭赴火。天上列星，地下虛左。

柳開

作文法，韓愈遇書生貧，不能葬，問費，日二十萬錢，罄囊得銀百兩，錢數萬，贈之。

傾囊贈金，傾舟贈麥，獨怪寒酸，止稱范石。

崔洪

不言貨財，不執珠玉。汝南王亮譙以琉璃鍾及洪不執，亮問曰：慮有執玉不恭之罪。

珠玉可賤，酬酢難捐，守身有律，應事無權。

封衡

幼好施，見一老荷擔，引歸白父，曰：宣子一飯著名，斯老宜給宅僕，養其終年，父從之。

笑獨宜恤，博濟何常，仁固有術，義豈無方。

張融

中書郎假出帝問住何處曰臣陸處無屋舟處無水問其兄緒曰融居岸上小船

無地起樓有舟卜宅兩岸清風半船皎月

郗超

好聞人棲遁有能辭榮拂衣者爲之構屋宇器服僕豎費而不吝

喜抽簪助懸磬君移北山文人掃終南徑

戴淵

好遊俠陸機歸掠其輜重指揮得宜機曰卿才如此亦作劫耶投劔改過遂與定交

聞除三害復見一淵過而能改劫亦可傳

張率

嗜酒忘懷遣童載米三千石還吳耗至半問故曰鼠雀耗曰壯哉鼠雀不究

樂哉糟粕恣爾欺侵壯哉鼠雀開我胸襟

戴君用

吳邑人父福洪武中監稅失火法當死用代父刑妻吳氏以守節旌

曰吾死矣瞻望父兮曰吾生矣刑于寡妻

金子璜

名琮父付米數千斛至吳交易琮皆賑給士大夫空船而還父柔奇之

父子同心全范合轍生濟飢腸死及枯骨

陳重

宜春人舉孝廉讓於同郡雷義義舉茂才讓於重向豫章拾珠一函訪還之

還帶可師還珠可美義重於山名輕於屣

青笄

豫讓友笄驂襄子乘馬驚視讓叱曰去吾有事笄曰吾言失友道不言失臣道自殺

言重鼎彝義全君友白馬晝驚青萍夜吼

陳世修

叔恭公壽獻范蠡圖贊曰賢哉少伯霸越平吳功成身退扁舟五湖公卽致仕

獻觴一幅拂袖千巖世無少伯爲鮮阿咸

力僧護

父死母欲荐賣與蜀客母憶子目盲後三十五年歸見母泣以水舐目遂明

事難竭力思則迴腸三十年內白日無光

庾袞

父在常戒袞酒後每醉輒自責曰子廢先人之成何以訓人於墓前自責三十

戒浮蟻乎遵刻鵠矣途有醉龍庭無趨鯉

孟信

爲趙平守致和老人饋豚酒曰吾食菜久矣受卿一豚自出酒佐菹老人擘豚進酒

魚可懸肉可杜笑羊踏菜園恐豕爭豆圃

武攸緒

天后兄子，變名賣卜，晚年瞳有紫光，晝能見星。

掩耳鸚啼藏身龜卜願從赤松耻食周粟

劉庭式

齊人聘女登第，女喪明，或勸改聘，庭卒娶之，生數子，死哭之慟，蘇轍感其義。

貴不可易哀不可假盲於心者亦可醜也

爰旋目

山東人，餓於道，狐丘盜見而哺之，三哺而能視，知爲盜也，搥地嘔死。

與哺於盜寧委於草言飽乎仁守身以道

賓罕聚

齊莊時，夢人縞衣叱唾其面，醒召友曰：吾好勇無辱，將索之衢，三日不得，自刎。

生無勇功死有餘痛安得醒人與之說夢

夏侯道

遷京城大園池蔬果延士歲秩三千餘
專供酒饌不營家產每誦孔融詩

頻好客日開顏與歌孔北海曷羨謝東山

王弘之

與謝康樂友釣曹娥江得魚不賣經親
故門各致兩頭去

志不在樂與同滿舡孝女月半釣故人風

垣曇深

為臨縣令歸得錢十萬買宅奉兄退無
私蓄鄭薰自傭給兄封白衣尚書

豈剝民膏聊為兄壽何如白衣清風兩袖

裴弘秦

裴均會客責秦後至日願取席器滿酌
而納飲畢抱歸箕踞秤器重二百兩

飲何豪量非詐笑長鯨席捲勝海鷗羽化

僕海鷗
盜杯

陳兢

德安人唐僖時已六世同爨至兢七百餘口歲賜粟二千畜犬百餘一犬不至不食

睦九族養萬鍾相彼同槽犬應憐出戶蟲

周智

處州孝童也六歲喪父廬墓有紫芝之瑞

棘可棲祿方離燕胎也來作伴烏哺日增悲

禽息

荐百里奚不納上出當車以頭擊腦出日生無補國不如死也

舍生薦賢迴鑾濺血一息尚存五穀不沒

牛弘

弟弼醉射殺車牛弘還妻曰叔射殺牛曰作脯坐定妻又言曰已知顏色自若

人皆有兄弟吾何愛一牛情怡怡心休休

國能子

闖賊破葉縣將劉國能自刎妻死子八歲賊抱膝欲收養之不從自解佩刀刎

甘○隨○松○栢○魂○不○作○蒲○盧○魄○孝○思○存○將○種○竭○

螟蛉名蒲盧

柱厲叔

莒穆公不用去居海上聞難徃死友止之曰愧後世人主之不知其臣者

不○用○生○前○求○知○身○後○豈○敢○愧○君○愧○彼○故○舊○

留丘訢

飲馬沉淵拔劍入三日夜斬蛟一龍出雷擊十日眇其左目要離壯之

入○斬○蛟○螭○出○鬪○雷○電○一○目○雖○眇○半○臂○爭○羨○

趙文澤

麗水人六歲廬父墓羣鼠銜花白鶴來巢大觀中賜帛

花○銜○社○君○戶○巢○僊○客○六○歲○塊○苦○千○秋○竹○帛○

孫之翰

慈谿母病革，刲體取肝爲粥進愈。郡守欲聞，日本以救母止之。

肝可格蒼

名非求賣分慈水源

董合楊家派

楊慶刲肝

吳國鑑

海康人，先寇準爲丁謂所害，後無敢畱遷客。蘇轍編管海康，鑑築室館之，甘罪。

寧株連

甘卜築生可學黎雲死無慚巢谷

杜孝

巴人母嗜魚，杜役成都買魚盛竹投江祝日，願母得作膾。婦汲取竹得魚，知夫寄也。

折竹投魚

汲餅得膾躍井湧泉天心人意

童恢

爲不其令虎害人，設阱捕二虎，祝曰：殺人者俯首，一虎低頭殺之，一虎躍去。

昔聞渡河

今何投奔苟不其然視不其令

鍾離牧

居永興貧窮墾田廿餘畝將熟縣民認之牧遂與稻令聞追還米六十石不受

自食其力與世無爭此廉讓友非虞芮民

皇甫規

漢黨人皆名賢規自以西州豪傑耻不得與言臣荐張溫是附黨也詔不問

同道爲朋君子亦黨民石子懼鐫碑公羞漏網

王忱

遊京遇一生病日橐有金十觔相贈乞殯忱以一觔營葬餘置柩下柩歸封金如故

於我殯遇諸途封金如初君子津還金斯人徒

王良

爲大司馬妻在家布裙曳柴從田歸吏鮑恢到家投書問知歎息還

一紙寄一束曳賢哉裙布風依然柴門味

上官凝

為銅陵尉滿十餘叟送之境饋藥數器

彼銅陵乎

非銅臭者投錢劉寵與還金鮑也

長孫澄

操清家約雖不飲好觀人酣興常恐座客請歸每勅中厨別進異饌畱之

看人打兔

醉畱客談雞競誇投轄若個分題

毛經

開封戶曹與客弈尹以疑獄就問令罷局日決事弈棋兩不礙呼吏讀款弈勝事央

黑白能分

雌雄立灼多少木狐半妨角雀

高允

為景獻太子傳與崔浩同修國史浩被收允曰臣與浩共為之帝嘉其直拜中書令

不負朋

不欺已古之遺直也今則詐而已

蘇瓊

清河守父老獻二瓜置梁上有僧謁意欲理債瓊與談竟日無從啓口遂焚其券

豈其譚空竟忘道故饒懸魚風博野狐趣

許荆

兄子世報仇殺人仇攻之荆跪曰兄惟一子死絕嗣荆願代怨者曰賢遂去

爲延一線請代一身世多管蔡今始識荆

徐積

山陽人少孤孝以父名石終身不履石母亡廬墓雪夜伏泣甘露降木成連理

履不加石巾可加山天爲垂淚木亦開顏

露名山巾子

劉勤

後漢人貧作屨有屨已斷置不賣偶出妻竊易米歸知責妻欺人因不食

織廉士屨易居士米安得妻奴盡皆臂指

朱居士履易米

藥崧

漢河內人爲郎直臺無衾食糟竅帝見嘉之賜常膳歷官南陽守

食糠帝嘉飲水臣素大官三餐太守五袴

王彧

大宗娶彧妹忌其才賜藥酒彧方與客弈發函不變色局終舉酒曰此不可勸飲卒

視名如醜視世如碁視生如客視死如歸

狄惟謙

晉陽令女巫郭封天師旱請祈雨不驗杖投水自焚香端立雷震大雨詔褒之

焚香可告投巫何驚真霹靂手作霖雨臣

荀巨伯

許州人遠看友疾值賊破郡獨留賊問曰友病不忍委願身代賊義之班師去

害可獨徇利可共濟友可輔仁賊可格義

李克

陳畱人六昆同爨妻有私財圖分克僞誅治酒會族自母曰婦欲離骨肉合遣去

不聽婦言不治私蓄歎世錙銖竟戕手足

劉翊

途遇人車毀卽下車與之守陳畱罷歸見士途亡以馬易棺又逢故濟以駕牛步歸

脫驂致贈徒步言歸既耽博濟豈戀輕肥

羊角哀

與左柏桃適楚遇雪桃并衣與哀死哀至楚用告王備卿禮葬桃哀自殺以殉

甘同殉媿獨生羊腸泣俠骨馬鬣見交情

辛公義

刺岷州俗病疫合家避之義命病者悉與至廳自拊摩病愈召屬諭之遂變俗

骨可肉漓可醇乃現身說法非從井救人

劉殷

幼喪父。祖母冬思芹，走澤哭。忽芹生，夢人謂籬下有粟，掘得七百石。七子各授一經。

地獻芹。天賜粟，守經抱朴百行先，萬事足。

袁閔

父爲彭城相，往省屢日不通。偶姬見呼入，後遁築土室，自牖納食，黃巾戒犯。

成父之廉，郤車徒步全鄉於危，閉戶自固。

郅惲

董子張父被人殺，張病郅往候，泣日知子仇未復，卽出殺仇，頭自詣，爲侍講，諫廢。

雪讐奮臂折檻，抽簪黃壚含笑，綠野披襟。

王裒

父儀以直言死，裒終身不西向坐，示不臣晉也。廬墓流涕，樹枯母畏雷，聞震卽造墓。

坐聽不忘思，讐罔極子孝，父忠兩者均得。

鄭舊

太原人、七世同居、犬豕同乳、鳥鵲通巢。○
陳兢六世、張閏八世、公藝九世同居、

居及雲仍、義感鳥獸、卜世卜年、張左陳右、

朱家

季布髡鉗、匿車自賣、朱家心知爲布也、買置田舍、因說汝陰侯滕言于上、乃赦、

一片俠腸、幾多曲折、救人以財、保身惟哲、

靈輒

趙宣舍翳桑、見輒飢食之、輒畱半遺母、靈公攻宣子、輒倒戟以禦、知卽餓夫也、

一飯不忘、一死不惜、世無倒戈反忘射戟、

古初

長沙義士、父喪未葬、鄰火起、及舍棺不可移、初冒火伏棺慟、火隨滅、

泣、鎡

程鎡、事同返風、慟初滅火、人力難憑、天心必果、

謝泌

歙人官諫議好獎士每發荐牘必望闕叩首曰老臣又爲陛下得一士王旦其荐也

孟戒蔽賢孔譏竊位不遇謝公遯世無悔

鄭泉

字文淵博學嗜酒臨卒曰必葬我陶家之側百歲後化成土取爲酒壺寔獲我心

生不封酒泉死願歸樂土壺公孫陶家祖

崔子鍾

明人好飲常五鼓踏月至長安街席地坐李文正入朝過邀之李就觴漸明別

月當頭杯在手五鼓無遊人一尊有韻友

郝子廉

太原人一介不取過姊家食蜜置席下五十錢去范史雲看姊設飯畱百錢

豈不誠廉蚓而後可獨范萊蕪待君虛左

黃向

路中得金幾一囊，值二百餘萬，募得主還之。林積旅席下，得珠一囊，還商子貴。

一林可侶，一囊可還。知君懷寶，白日蒼天。

陸納

謝太傅造，設惟茶果。兄子俶密具珍羞，客去責俶四十，謂穢我素履。

太傅風流，阿咸欵曲。何雪肝腸，反霜骨肉。

嚴植之

見人臥塘側，問云：姓黃家，荊州爲傭，疾篤，船主棄岸，植載還療之，請克僕不受。

却人報，必能救人。危懲人，薄必能破人癡。

陳師道

官博士，極貧。傳堯俞欲贈金，不敢出。從郊祀寒，妻偕姊家錦裘衣之，問知卽脫。

耐寒操，凜夕惕。與羨翠裘，溫寧其牛衣泣。

杜兼

聚書萬卷、每卷後自題云、清俸寫來手自校、墜之嚮之為不孝、

積五斗遺五車小雛愁刻鵠老蠹笑塗鴉

戴封

遷西華令、下車蝗皆出境、旱禱無雨、乃積薪坐其上以焚、火起大沛、

火烈民畏公烈民神綢繆未雨早格天心

顧歡

七歲命驅田間雀、作黃雀賦、雀食稻不顧家貧無書聽人讀、悉記無遺、

吟不輟聽不忘幼原負鵠志長不藉螢囊

楊政

京兆人、從范升受易、升繫獄、政抱升子候駕叩曰、升一子可哀、乞憐不已、乃赦升

一絲不斷一莊不荒誼行古道力挽乾綱

龔開

宋亡不仕客至無几席子俊每伏榻上按背作唐馬圖甚工常作文天祥陸秀夫傳

几可背代筆有神含點睛渥水附尾文山

龍馬渥水產

牟續

靈帝欲拜太尉時進三公者皆輸東閣錢三萬續舉緼袍日臣所有惟此帝乃止

魚易懸蚨難購振兩袖清風薄三孤銅臭

林景熙

宋諸陵被發與唐珏拾遺骨聞理宗顧骨投淵中購漁者網得之葬植冬青樹

萬年栽培一網收拾義氣烟凌忠魂露泣

冬青名萬年青

郭忠恕

縱酒無貴賤皆呼苗有山水淹留浹旬不食暑曝不汗冬鑿木浴之

適興林泉脫身寒燠世多握苗君惟養木

隗相

漢人母喜飲江上水，衝濤汲之，忽湧一石，可作舟，人為孝感，徵為郎。

子艱引汲天賜津梁，誰無父母，空有梯航。

寇先

宋人釣魚睢水，常著冠帶，好種荔枝，景公問道，不答，殺之，後見踞城門鼓琴。

不飴刀頭蜜，豈吞餌上鈎，琴中趣物外遊。

劉平

與母匿野，出求食，遇賊將烹，曰：待平歸食，母來就死。賊遣之還，食母，詣烹，賊義釋之。

請歸恩篤就死信，硜始知純孝，可感橫行。

倪萌

兄為赤眉得欲啖，萌言兄瘠已肥，願代。賊義之，令歸求豆贖兄，歸不得，復縛詣，故之。

烹可代死如飴，長唾春斗粟，不泣煮鰾，其。

鉏麂

靈公遣刺宜子晨往見假寐曰不忘恭敬民之主也賊主不忠棄命不信觸槐死

誰○其○死○之○惟○忠○惟○信○誰○其○嗣○之○匪○軻○匪○政○

麥宗

通安州人七歲不學而識文字及長通吐蕃白蠻諸書○馬融夢吞林花醒盡曉書

音通異域識足開天豈同絳帳之夢而然

何裕

咸陽令狂逸跨牛趨府每召吏共飲吏挾私白事杖之復與飲

官○可○跨○犢○吏○亦○騎○驢○也○酒○杯○談○刀○筆○杖○作○笙○等○

劉澄

好潔令遂安拂掃郭邑路無橫草木剪蟲穢民不堪命坐免官

飭已簋簠沐民桑麻與其除草曷若栽花

呂直

溫公園丁得茶湯錢十千納公公怒直乃創一井亭林靈素井客悞掩鶴

廉非矯直非沽清風畱掩鶴曲徑笑飛蛺

邵謁

翁源人少貧爲吏令有客使檮牀者三不應詈之出截髻著縣門誓力學卒爲通儒

却刀筆奮墨莊芸窓抽書帶草藜火照繩牀

匡國政

母病刲肝進愈復病刲肉和藥食愈及卒廬墓旌之

三○年○滴○墓○血○一○片○格○蒼○肝○力○已○竭○色○非○難○

李戴仁

性迂娶閩氏異室一夕妻扣戶遽取曆看驚曰今夜河魁在房不宜入妻慚退

妻已忘年爾還擇日閉戶羞花膠柱鼓瑟

沈道慶

見竊園菜者自逃見拔筍者曰此欲成林更有佳者相與買大筍送之盜者慚

存吾厚道

格彼耻心鳳尾

竹也

全義牛肚

菜也懷仁

屠牛吐

齊王欲妻以女且厚送之辭而退其友問之託言厚送者必醜實不屑耳

不誇中雀豈羨沈魚子之迂也人其吐諸

仇香

東漢人燕居必正衣冠妻子有過免冠自責妻子謝過必俟著冠乃敢升堂

直其正義以方無慚茅屋漏長挂薜裳香

施全

殿軍士秦檜趨朝挾刃擬刺之不中鞠之日舉朝欲殺金汝獨不肯故殺汝也磔之

忿不平出不意三尺懾奸魂舉朝吐生氣

孫齊之

池館屬人獨留手植一松貫鄰屋開牖時攜壺茗往窺或有枯鬚假道濯之

徑已荒松無恙供一咏一觴忘人相我相

殷不害

荊州陷梁中書不害失其母時積雪滿溝殷見屍輒視徧體皆裂旬得之

膚冰裂淚泉侵事能竭其力因不失其親

王伽

隋齊州叅軍解囚七十餘至京到滎陽哀苦悉放歸約期果至帝異俱赦授伽雍令

信感囚義格帝功名天上來身家度外置

許毛

晉電白人自幼至老兩頰如丹風雨旱潦預言皆驗忽去無蹤

羨玲瓏誇矍鑠來如五綜龜去若九臯鶴

蔡乞兒

乞燕市得遺金七十兩候失主不至代人償債贖女餘買綿給友身無毫染

隱○負○披○裘○志○權○行○贈○綈○心○惜○皮○相○孰○知○音○

王達者

郎中李曇僕事曇親信去爲兵十年曇緣事親友悉避達隨曇流嶺南死葬歸

仗○劍○去○掩○骸○歸○平○時○把○臂○客○此○日○斷○腸○誰○

吳湯生

安仁人十三母病刲肉醫愈十七通經史流賊掠其父兄湯赴請代釋父殺之

醫○剜○肉○難○捐○身○赤○睂○寡○仗○義○黃○口○得○成○仁○

陳文偉

明武康人能搏虎應會場火救出幾千人令安丘賊劫庫一彈一中放之罷官

力○爲○萬○夫○敵○臂○作○千○人○梯○縱○鼠○輩○笑○虎○癡○

韋嗣立

與兄承慶異母，母遇慶嚴，每責輒解衣求代，母不聽，即自撻，母感悟，均愛。

鵲○鴿○全○弟○義○鵬○鳩○化○母○心○分○痛○淺○合○愛○深○

朱壽昌

七歲父守長安，出其母劉氏，嫁民間，五十年，昌仕念母，刺血寫經求母，後得之。

官○可○棄○母○還○存○天○心○完○骨○肉○佛○力○補○乾○坤○

王賓

字仲光，吳人，永樂中毀面獨居，行市賣藥，郡守謁，誨若師弟，姚廣孝訪，方盥掩面走。

既○埋○名○胡○毀○形○訓○人○若○薑○桂○藏○已○只○參○苓○

郭翻

字長翔，武昌人，墾荒先立表，經年無主，乃耕及熟，有認悉與之，漁獵所得，賣不受直。

得○失○不○關○心○取○予○皆○守○正○觀○耕○獵○而○如○鏡○

顧協

爲廷尉冬單衣卿蔡子度欲解襦之憚其清操不敢發只廷尉釋之爲王生結鞶

清○可○克○蚓○操○寒○不○受○人○憐○寧○結○鞶○莫○分○氈○

謝朓割氈贈革

魯哀

南陽人好學多聞貧素自立傷時貪鄙著錢神論莫知所終

聞○見○洽○寒○素○親○潛○身○學○蠹○隱○慨○世○歎○蚨○神○

趙景麟

鄞庠生明沒有書生不律難拒敵何處秦庭可借兵句衣冠辭學赴江直立逝

辭○泮○水○赴○甬○江○詩○書○葬○魚○腹○日○月○耀○螢○窓○

邢用理

吳人號蠹齋不娶無僕古書盡覽日惟炊黍分食客至無茗人每買食就談焉

不○聽○喚○婦○鳩○不○煩○執○爨○猴○

魏元忠茗不設談不休猿代炊

周方叔

字矩道居丹徒誦讀鄰僧乞米養之忽農卿龔準常州吳會造廬烹犬食盡歡

僧○去○無○談○雞○客○來○有○烹○犬○米○可○供○書○不○典○

胡汲中

字長儒台人子昂為羅司徒請作墓誌奉鈔百錠怒是日絕糧子輩勸受愈却

介○不○取○筆○不○辱○胸○內○有○珠○璣○目○中○無○金○粟○

王遠

字志道杭人足跛家貧賣藥不繼復市卜究子史人知其辯博每質難立應

子○史○既○精○醫○卜○何○賣○書○不○療○飢○穀○不○如○稗○

程鋌

廣寧母病嘗糞愈母卒鄰火風急鋌撫棺號慟風反火滅

風○可○反○病○可○起○勾○踐○是○良○醫○祝○融○皆○孝○子○

申屠狄

矢志將投河崔嘉止之曰桀殺龍比吳殺子胥非無聖智不用故也遂抱石沉

生爲莒厲叔

不用逃海

死作楚靈均悲際遇愧浮沉

呂祖泰

宋婺州人上書乞斬侂冑詔配欽州兄儉以言事貶泰曰我雖無位以言報國

論侃侃心赤赤未能鋤奸謀亦堪媿言責

任純

鄞人好文史隱居母病禱天請代剖左右股進愈母卒廬墓稱任孝子

不奇讀不奇祝不奇宿而奇於愈病之肉

顧忻

十歲喪父母病十年葷不入口每雞鳴率妻子問安母老目翳祈天復明

齋已之口豁親之目豈無苦塊飲酒食肉

趙應祥

父客死往求塚多解髮繫馬鞍祝曰是父墓髮解過數十塚鞍落掘見棺字

無○可○奈○何○繫○馬○髮○若○或○使○之○得○父○骸○哀○哉○

陳無已

在館侍祠郊非重裘不能禦寒其妻爲于挺之家假衣之陳詰知却之凍死

潔○已○以○奉○公○曰○清○矣○却○衣○而○凍○死○噫○過○矣○

黃覺經

南城人五歲亂失母長誓求母渡江淮備歷艱辛三十八年至梁縣得之

誓○求○母○鞋○穿○鐵○人○跡○渺○難○尋○天○心○誠○可○結○

史玉常

父廣東道卒時五歲母曰汝父殮時有大錢置柩長往求五十年得錢骨歸

半○百○年○萬○里○骨○其○錢○神○之○靈○抑○孝○思○之○格○

顧髦

父喪在殯、鄰家火起、抱棺號咷、忽雨、焰絕、人為孝感、仕至太尉、

古火風迴

古初慟、棺火滅、今火雨灑、非雨也、天為之淚也、

鍾鏜

銅陵、十一世同居、幼開悟、官汀州守、宦遊五十餘年、家無餘資、孟信守趙平、食菜

駕藝

張公、而上之、居有方、取信而伍之、貧何傷、

王少公

父隋末死、亂兵遺腹子、十歲、問父在、即泣求屍、野骨遍地、告以滴血、閱旬獲歸、

十歲滴遍野、尋一點血入骨、千古淚傷心、

聞宗時

嘉靖時、倭至鄞、挾父逃、被執、求代死、父得釋、奴李三抱時、幼子不忍去、亦遇害、

子代父、天心碎、僕殉主、人心醉、賊心何昧、

黃大夫

與元兵戰被斬能持頭就頸遇媼急曰頭斷可續乎答以不能遂仆廟祀龜嶺

頸難續氣常伸龍堆掩白骨龜嶺揭丹心

王希默

居長洲終日對鏡整鬚結蓄異鏡者聚飲號鏡社著僊銅傳二十卷自號勲叟

影皆幻聚何醺鏡中誰著相

宋璟鏡社內孰銘勲成相字

黃君漢

隋獄吏翟讓坐斬漢奇其勇放之讓泣恐累日以公能救民故脫何效兒女也

慮人身家是義勇者胸無兒女乃奇男也

麥鐵杖

日行五百里以盜俘配執御蓋每夜至劫徐州且仍還賍識狀奏不信後死難

生不安貧死得其所鐵脚不磨鐵肝不腐

三才藻異

古董屠粹忠芝巖著

余吉永叔校

藝術而絕勝者

李少君

臨淄人漢武尊之云食安期棗識齊桓
器後尸解

器識齊宮魂招漢殿母有桃遺君無棗獻

王大娘

唐明時教坊優頭戴百尺竿施木山狀
瀛州令兒持絳節出入其上舞皆中節

百尺舞竿三山戴笠爭似公孫手傳神筆

蘭子

以技干宋元君，雙履倍身，屬脰並趨，持七

躡青雲

飛紫電，不數熊之九，熊宜却鄰燕之劍，燕

杜生

占亡奴曰：持錢五百，伺進鵠，使買一鵠，得

戎伏於莽，鳥遺之音，媿管公策勝焦氏林

有焦氏易林

紀昌

學射於飛衛，教以視小如大，以鞚懸蝨旬

甲生蟣，矢洞腹，絕勝夫穿楊何愁乎失鵠

賈堅

烈祖令射牛百步外，一矢拂脊，再摩腹，皆

振聲霹靂，奪魄櫟椒，拙哉飲血巧矣茹毛

嗜君謨

閉目而射、隨意取中、王靈知盡其術、欲射殺之、謨口齧其鏃、曰、未教汝此法耳、

暗穿屏雀、夜落塞鴻、豈難口授、恐蹈逢蒙、

杜子恭

晉時杭人、借人瓜刀、其主索還不與、至嘉興、有魚躍入主舟、破腹得原刀、

借腹藏鈎、遊魚可倩、無怪愚夫、刻舟求劍、

耿聽聲

能嗅衣服以知吉凶、宋德壽間、取宮人扇百餘、雜以上及后所御、持扣皆辨、

得氣之神、應手之技、聽鐸同聲、聽蹄同志、

裴知古

神龍初、太樂令、享廟樂作、知中宗復位、聞馬嘶、知乘者墮、聞佩聲、知婚者離、

鳴玉嘶風、耳聰心巧、大寶重登、審音非小、

富春之

善風角賈似道叩之密寫絨明日賈遊湖歌月明星稀二句晚折觀惟此八字

鬪蟋孽成歌烏機伏他日南飛木綿孤鶩

顧愷之

悅鄰女挑之勿從圖形於壁以棘針其心女遂心痛顧致其情從之去針而愈

螭首眉攢虎頭筆螯愧彼針挑恨無梭擲

謝鯤挑女擲梭

盧度

隱居三顧山夜有鹿觸壁曰汝壞我壁鹿應聲去池中養魚皆呼名次第來食

身埋三顧物共一心語解山客名戲川禽

魚也

隗昭

臨終書板授妻五年詔使龔姓負金持板往索龔筮曰賢夫知吾善易有金埋屋東

生前弄術死後知音惜無傳易徒有遺金

秦青

薛談學謳於青，未窮其技，辭歸。青餞之郊，撫節悲歌，嚮遏行雲，談遂畱卒業。

振木遏雲，曲盡其妙，穿硯磨鍼，孰同其調。

梁野

長洲人，遇神授致錢術，每欲錢，縮手一振，乃盈袖，飲酒施捨，不知所之。

奪錢神，權傲銅官，樂拂手雙魚，名錢纏腰一鶴。

朱道人

洪武間，任鄞，每夜神遊京，乘雲往來，帝異賜童，得其術，灑以狗血，屍斃。

乘雲可遊，吠雲何忌，歎飛鳬身墮，泣魚計。

沈僧紹

武陵王紀宴池亭，蛙鳴擾絲竹，沈呪鳴息，王欲復鳴，曰：王飲闌，恣汝鳴，復喧。

幾聲梵偈，兩部鼓吹，或默或語，為公為私。

養由基

去柳葉百步射之百發百中楚王射白猿不中召由基調弓而猿泣

弓泣野賓

也猿箭穿青女也葉具貫蝨才超射鵬伍

桓榮祖

西樓見翔鵲謂左右當生取之乃彈其翅毛盡墮地養足飛去

王孫挾彈神女解衣射牛同巧

賈落鴈非奇朱漢賓

庾道愍

精相笏王休祐屢忤帝令占曰此甚貴多忤祐換褚彥回笏褚侯稱下官帝怒

目所視手所指術勝孫臏生識超姑布子

殷文亮

為令嗜酒為木兒行觴有次第作妓歌吹應節飲不盡木兒不肯把木妓連催

歌吹青衣殷勤紅友莫謂酒徒竟同木偶

張子信

善風角與奚永落坐鵲鬪墮地信曰有口舌戒喚莫往夜瑯琊王召辭曉難作

鳩鬪知爭鵲鬪知避得氣之先知風之自

薛宗伯

善徙癰公孫泰患背宗為氣封之徙置柳上旦癰消樹起癰如拳膿爛樹損

以柳易人代桃僵李無怪蟲書公孫病已

事用宣帝

徐秋夫

夜聞鬼呻吟問鬼言腰痛死請為芻人按穴針之秋如言灸七處祭埋之來謝

白骨難鍼青燐可灼一束生芻鬼之扁鵲

淳于髡

善厭勝劉秉夜鼠嚙其左手中指髡為硃書田字露手臥明旦鼠伏死

一道書丹五伎授首誰識滑稽手勝於口

由吾道榮

恒野宿遠陽山馬驚有猛獸迫前榮徐以杖畫地成火坑獸走

獸何當道馬亦驚塵得君畫杖不用埋輪

難陀得如

梵僧也攜三尼入蜀同將飲歌舞斫之三筇杖也能斷頭復合入壁留像

魔舞如花兵解是竹脫去皮囊復還面目

倪光

鄞人在楊文懿公家見中貴至有一雀自庭樹入地曰汝來得非失馬六日復得驗

識之卓幾之微得失六朝馬髣髴十朋龜

孟節

能含棗核不食可至五年十年能結氣不息狀若屍可至半年

屏氣不息辟穀不亡他年握核

王母請為君嘗

曹不興

孫權使畫屏落筆點素因作蠅權以爲生彈之寫龍獻至宋時旱取畫忽大需

白龍紙畱青蠅筆走豈霖雨材作屏藩手

徐之才

有人脚根患腫莫識才曰蛤精疾也由乘船垂脚水中剖得蛤子二犬如錢

貪珠剖腹貪錢剖足笑彼醫瘡類多剜肉

虞太翼

博綜羣書尤善占候隱五臺山後目盲以手摸書而知其字

眯目五車賞心萬帙摸索暗中書厨黑漆

吳太公

能入冥府檢事鎖室中候醒喚開說必驗宋時檢賈瓊事傳蜀志

人事可憑天機莫鏡縱能探幽恐難造命

張辭

進士召飲意合，即索紙剪蝶三四十，氣吹成隊而飛，收之在掌。

剪片片飛翩翩何如謝蝴蝶一吟三百篇

謝逸

許允

善相印，為鎮北將，以印不善，更刻者三日，印雖成而已受辱，問送印者果曾墜廁。

鑄何頻辨何真知足者不辱知幾者其神

段翳

一徒畧冤術，辭歸翳付書藥，令有急發至，爭渡傷從者，開書言與吏關頭破，裹此藥。

半途廢學一紙藏鈎前知素鯉後起青牛

有青牛師賣藥

符朗

善識味，食雞知棲，恒半露食鵝，知黑白之處，試之無差。

馬肝孰辨龍鮓誰通君知黑白不讓雌雄

法聰辨龍雌雄

郭璞

愛主人婢散豆繞宅見赤衣數千圍其家請璞卜曰賣婢妖可除也璞陰令人買之

赤甲入圍

紅裙出走水底青洪

洞庭君婢逢君掩口

管輅

與魏郡守鍾毓論易言卜可知生死毓使筮生曰無差曰死以付天不復筮

蛇盤天數

畫蛇盤鏡龜鑽人謀生能造命死不添憂

長孫晟

善彈射落雙雕突厥聞其弓聲為霹靂見其走馬為閃電

電閃騎雷驚弓如卜雙鵬吉不讓一駢雄

高駢一射雙雕

韓志和

倭人雕木為鸞鶴發飛三百尺作龍牀一履鱗鬣俱動出蠅虎數十隊舞中曲

翔刻鵠舞雕龍勝公輸之巧敵王固之聰

舞蠅虎

任文公

莽篡知大亂課家人日負物百觔環舍趨走後寇起惟任大小捷走無恙

小人乘器○君子知微○寄聲○赴○赴○慎○莫○遲○遲○

袁客師

為廩犧令高宗匣一鼠令術家射皆曰鼠師曰雖鼠入一出四發之鼠生三子

人○知○其○一○君○得○其○全○暗○能○射○黠○明○可○發○奸○

柳惲

梁主衍好棋使惲品定棋譜二百七十人惲為第二帝謂分其才藝足了十人

兼人才○動帝美寧○令落燈花○莫教笑襪線○

李南

馬稜坐盜南謁賀曰旦有善風明日中應吉次日晡果詔赦問使遲故以馬傷足也

雞竿早○馬首遲○恐非占風之張角○所能知○

楊由

作客酒三行趨去後主人有鬪殺者問故曰向社中木上有鳩鬪此兵賊象也

戈操杯後禽得機先莫教避酒借此逃禪

杜昇

沙書龍字浮盆中能左右轉叱之飛高丈餘隱若雲霧作龍形呼復下水

舌端雲起筆下龍遊知君書法必受僧繇

郭玉

和帝令嬖臣與女子雜帷中使玉各軫一手問疾曰左陰右陽脉有男女狀若異人

陰陽默理左右兼該良醫之手良相之才

樊阿

善針術入背一二寸入胸可五六寸華佗授以漆葉青黏散服之壽百餘

青黏可服白髮難期我思砭俗只聽黃鸝

王先生

家舍延燒，往喝火，即止。楊晦之夜，謁剪紙如月，置垣上，洞照，以陵谷變遷為戲。

舌○中○反○風○紙○中○透○月○目○中○滄○桑○壺○中○出○沒○

耿先生

明道術，保大中，召入宮，以雪削如銀錠，投熾火中，即為銀。

六○出○花○飛○九○還○丹○結○濟○世○朱○提○度○人○絳○雪○

嵩真

自筭七十三，正月廿五卒。先一日死，妻曰：見多下一筭，慮別意果差一日，有遺恨矣。

一○籌○莫○展○有○命○在○天○須○知○修○德○必○可○永○年○

石旻

宛陵雷氏僮，綱一大魚，暑甚已敗，旻衣中出藥，食之，復活，更求藥治積疾，不許。

拯○枉○無○鳥○返○魂○無○枝○枯○魚○不○泣○積○蠱○何○辭○

楊生

南海守設席不與，因召客致妓，夜半命還。早知皆守席上物也。夜有風，飄樂仆妓。

月留賓風弄術，縱吐氣驚人，亦借花獻佛。

燕奴

腕出五色彈，令變，卽化雙燕飛騰，又令變一小劍交擊，復爲丸入腕。

熊之弄丸，猿之擊劍，變而化之于飛燕燕。

胡媚兒

唐丐者一琉璃餅，投萬錢如粟入驢，如蠅數十輛悉納之，不見媚兒，碎餅皆無。

乞不羸其餅，人胡墮其術而猶然蹈其轍。

潘老人

夜投少林寺門外空室，僧窺之，見設褥列饌甚盛，及曉取葫盧悉納之，懷去。

樹底鵝籠餅，中驢吸髣髴同君，葫盧收拾。

子主

江都王宴客大雪寒甚剪紅紙爲日貼壁
光生射照暖甚子主乃僊也

日當爐坐挾纊豈無倚冰人對此增惆悵

王生

金陵瞽者聽丁晉公馬蹄聲日月中必拜
相後來京聽蹄聲曰西去無回驗

目不識丁耳能數馬願借寇公見此瞽者

趙廓

學道石公未備歸途被詰廓變鹿逐復變
虎奔糞中變鼠縛付獄石公變鴟攫鼠去

來不拒去不追何嗟鼠速獄爲忘鳥數飛

王潛

能飲藥破肉取骨塗膏如舊取草揉之悉
成飛蛾畫女於壁酌杯飲之酒乾面赤

不取其化白蝶醉紅裙取其接骨效如神

王畫龍

每畫龍必有所缺，否則隨雷雨變化。陶道人見，輒杖擊曰：「此龍妖也，不知所之。」

葉不好真，苗不好缺。

苗有龍。

僧繇心欽道人面折。

費雞師

目赤無睛，為人解疾，必用一雞祭，取卵石，令疾握作步虛，雞旋轉死，石亦四破。

師幻術，雞受屈，竟夜若談，窻終身可却疾。

李淳風

奏斗化人，明日飲西市，帝候果有七僧飲，勅令至宮，僧笑曰：「必淳風言也。」忽失。

歌館留僧，酒旗犯斗，豈想龍從不防豕走。

豕斗常變。

袁天綱

則天幼男，服驚曰：「若是女，當主天下。」太宗召見，比之君平，曰：「臣逢時勝之。」

識鳳早，辨龍真，君平遜其遇，客師傳其神。

子客師傳術。

黃萬戶

蜀道士有變虎術持鐵鞭療疾戎州守文思輅剪紙魚遊盆黃投符化獺食之

幻虎非實唾獺非虛為民幹蠱教吏懸魚

王守一

負大壺賣藥柳信子眉生肉塊命祭破出一小蛇突長丈餘五色雲霧一乘去

眉不盈尺蟄欲求伸乘龍柳壻破壁桑君

籌禪師

煬帝賜諸葛穎酒取簪畫杯一邊飲盡一邊滿其簪乃籌師合藥所置也

藥進一簪杯留半壁帝如借籌涇渭自識

馬侍封

開化初造教臺凡用物皆有木婦持至用畢即闔又造欹器酒山數奇不官

酒山紅妝臺白雖巧踰鏤冰奈數同射石

孫○甌○生○

唐玄宗召至善輦石累卵折草爲人馬乘馳太真樂其術祿山亂不知所之

幻○無○情○草○悅○解○語○花○國○忘○危○卵○君○却○悲○笳○

盧媚娘

其眉綠能尺綃繡法華經七卷以線分縷染彩掌結飛蓋五重中有十洲

眉○舒○采○鍼○稱○神○心○藏○七○級○露○掌○起○十○洲○雲○

王琚

柳州守爲木獺口中安餌爲機縋石則沉魚取餌機發含魚浮出

緣○木○可○求○忘○筌○宜○察○庭○有○懸○魚○澤○無○祭○獺○

王瓊

取片瓦書作龜甲懷之頃出置地則成真循行數日復成瓦

智○敗○不○愁○樸○全○非○假○若○取○楮○牀○必○兆○弄○瓦○

權武

勇力絕人，能重甲上馬，常倒投於井，未及泉，復躍而出。

非從井，愚有回天力。牛尾倒行，虎癡同質。

周宣

太史問夢，芻狗何占？曰：得食。次夢此，曰：折脚。三夢此，曰：失火。曰：假夢何驗？曰：神動也。

真偽存心，吉凶生動。卉犬狗神占癡人鬼夢。

顧光寶

陸溉患瘧，經年寶圖。獅榜門，令禱。夕聞戶外有聲，明日獅上有血，瀝病愈。

點睛固神，瀝血亦駭笑。河東獅作關西蟹，愈瘧。

曹元禮

過陳廣漢家，筭畜牧租種，皆悉見饋薄，辭以倉卒。曰：厨有蒸豚荔枝，可設謝之。

筭無遺策，厨有嘉餚，慳固當破貪，亦可嘲。

風胡

爲楚鑄二劍，晉鄭興師求之，王麾太阿，流血千里，晉鄭之頭畢白。

劍魂原紅，人頭胡白，太阿不移，貪心自格。

衛朴

楚州瞽僂，言休咎悉中，古今日月食，不用筭推，但口誦乘除而得。

萬象胸羅，千年指顧，瞳子無雙，甲子有數。

萬寶常

達音律，與人方食，論及聲調，取食器雜物以箸扣之，諧於絲竹。

擊缶技工，借籌術室，世多好竽，爾無抱瑟。

李福達

閩人，善黃白，從王元美諸公遊宴，答之入空室，啓壁設席，歌舞甚盛。

點幻術，醉詩豪，雖夢草枝葉，非指李根苗。

夢草李少君事。

王山人

取本命日、五更張燈相影、知休咎、言影欲深、則貴而壽、

淺深燈下。休咎日中。衾影不忤。趨避何從。

李處士

能通神言、合肥守李翔械之、明日妻背疽叩祈、令手翰夜焚禱、晨示即燼文也、

左道惑人。焚餘可証。天道無親。我生有命。

張僧繇

天監中右將軍、畫四龍點二忽雷騰去、二不點者猶在、畫佛有光、畫鷁鳥避、

點睛手。傳神技。勝顧虎叅軍。類降龍高弟。

徐景山

魏明帝遊洛、見白獺數頭、莫致、侍中徐日、獺嗜魚、板畫兩鰐懸岸、獺競逐執之、

投其所好。猾亦可致。物以嗜亡。人因貪斃。

崔勉

相奇中見乞者當繫玉傾囊與之卽都督袁彬也後罷博士歸自訝當起遇彬復職

囊可傾報應復豈無識沉珠問誰矢銜玉

步熊

齊人精卜一人燒死使吏南行有人縛之得其由鄰兒遠行或告以死卜云卽還驗

洩五行秘操八卦權三錢未舞一鏡先懸

權師

唐長道縣巫知鬼怪生死能掘隱伏或請命焚香仆逝醒斷

天知命地知藏人羨爾焚香吾懼爾焚炷

范尼

顏魯公妻黨公尉醴泉決其衣紫名節壽過七十後不要問及使蔡州驗矣

效麻衣人果決幾何效緇衣天花散幾何

李邵

字孟節，勸郡守勿交竇憲，知必敗。見二使問曰：觀天象有二使星入益州，驚異之。

天眼開○人事白○勸○勿○倚○冰○山○知○能○離○火○宅○

華佗

字元化，百歲若壯，精岐黃。

煉○形○若○鶴○探○囊○如○鵲○刮○臂○可○師○鍼○頭○難○學○

韓昌

相州人，病不胗脈，見卽知生死。孫肅七歲悞吞針，曰：三年後當出，後果從脇出。

金○匱○方○問○誰○看○得○破○銀○海○也○目○關○問○誰○逃○得○過○

謝石

善折字，高宗書春字，曰：秦頭重，壓日無光，檣竄之，後遇姑云：逢皮則破，卒于途。

鴟○惡○其○聲○龜○剖○以○智○策○人○吉○凶○忘○已○成○敗○

陳半僊

萬曆時持剪令人髮及禽羽皆能自斷書符念呪而自粘壁取人物輒還為戲

髮可斷符可懸分明三昧戲搖動十洲船

范山人

掘穴滿木具筆墨援臂叩齒縱毫水上三日出絹視之古松怪石人物畢備

筆妙長康術留止水人異傳神君奇泣鬼

李孔修

順德人採薪善畫貓粘能伏鼠嫁女畫貓置箱壻貨之皆得重價

助妝貲碎膽藥何愛李家貓不寫孔家雀

李東先

東阿人善天文嘉靖時日宮中有變果楊金英伏法後日禁中有火果三殿災

善占星難造命天意若可回人言何足信

丁生

寓朗州藥宮夜雪數羽衣思酒脯日何難
去頃提榼酒熟羊來云浙帥厨物

羽衣供醉飽帥府役鬼神寒可滌術宜禁

朱婢

朱桓婢臥時頭輒飛去或狗竇或天窓出
入以耳爲翼曉復還桓怪遣之

見无首問有附翼否出无咎問有撒豆否

郭璞撒豆買婢

熊宜僚

楚與宋戰敗僚弄八九丸在空中一個在
手一軍停戰望之楚免于難

鋒旣挫彈可全從今學兵法先教弄泥丸

龍復本

開成時無目善聽聲揣骨知人官祿壽
夭揣蕭寘笏曰宰相驗李一榻相笏

揣骨無書聽聲何法勝李家笏娘耿家筴

耿聽聲善嗅筴

黃華

雙手能寫二牘或楷或草。右軍寫黃庭用狼尾筆。

真草兼筆墨。妬雙臂落雲烟。一心馳狼兔。

絳樹

一聲能歌兩曲。二人相聽各聞一曲。一字不亂。疑其一聲在鼻。

此歌妖也。吾甚惡夫懷二心而惑人聽者。

夏將軍

建中河北將軍。彎弓數百觔。累錢十餘。走馬擊之一擊一錢。飛高六七尺。

白鵲

也。弓一。

聲青蚨兩翼一騎之塵萬選之匹。

吳道子

訪僧不禮。壁上畫一驢。夜將家具踏破。惱亂不堪。僧知懇塗却乃已。

惡無禮。筆作誅僧還未解。悟身原是禿驢。

胡宏

鄞人善筮天順間郡守召筮曰逢劉滯遇馮止頃丞劉文顯至屢忤後遇馮靖劾去

守稱神名不沒白璧孰雙酬黃金空一尺

著書名黃金尺

桑和

隋煬帝使竊楊素美妾朝受命而夕至帝命素賜之

能竊玉玉何竊之速堪受賜賜何受之辱

潘爵

浙人善占氣褚姓乘馬過日三日後死果然或給其復乘馬過曰家人鬻麻布耳

罔不可欺斷不可易數不可逃修不可必

張藻

唐人畫以手握雙管齊下一為生枝一為枯枝生則潤含春澤枯則乾裂秋風

筆力神天意洽紙上落春秋手中操生殺

偃師

造倡者與穆女觀倡者瞬目招王妃御欲誅之偃剖示皆舞木膠漆焉

造之巧得其神不剖乎膠漆安辨夫假真

魯班

怨吳殺其父於肅州作木僂手指吳地大旱三年吳賁物謝之斷僂一手大雨

千里赤一手指恩仇刀斧中風雷掌握裏

元澹

寺壁畫婦乳兒遇夜啼僧怪之後澹至告以故舉筆添乳入口啼乃止

雲鬢後酥乳前兒啼夜半止僧火日中添

許邁

鼠啗衣作符召鼠曰啗衣者畱不者去一鼠獨伏

衣可藏書難護藉爾一道符長守九經庫

尸蘿

燕昭時沐胥國人指端出塔十層高三尺神長半寸幢蓋入雲左耳出龍右耳出虎

塔指中龍虎耳中何如二十八宿羅胸中

趙炳

道上能以氣禁人不能起禁虎伏地可縛以釘釘在尺許氣吹躍出如弩發

力難制術有靈借君一口氣拔去眼前釘

韓承義

道士工蹴踘肩背膺腹皆可應敵繞身終日不墮板庵造木毯能自擊地

君不見板庵之毯名水球能自擊曷養木而守寂使者

上官和

有立壇神術能捕虎至虎所以袖拂不動乘行至城刺之

術既神威可鎮拂袖既心傾乘歸何手刃

扁鵲

姓秦名緩字越人寓於盧受方於長桑君飲上池水目見五臟以診脉為名耳

上池難遇下愚不移借君滴水先救盲醫

馬湘

嘗於江南刺史馬植座上冬月以酒盃盛土種瓜須臾引蔓花實食之甘美

幻瓜期假杯土剖可代飲冰種還勝埋圃

渠仲寧

永樂召試用量天尺度地中物曰下有石如虎掘之果驗

天地可測理數兼長能知石虎不媿獐牟

斛律金

望塵識馬步多少嗅地知軍度遠近周德成亦能望塵知敵數

望塵知數嗅地知機料敵則是料民則非

王固

謁于頔不禮出筒有蠅虎數十分隊如對敵擊鼓隨音變陣頔知求之道矣

驅蠅設壘擊羯擐車千人不足假虎有餘

班孟

能嚼墨一噴皆成字竟紙皆有意義見神僊傳

口能吐奇胸無成竹一笑研硃何如飲墨

白衣人

授李君三緘命急則開一至青龍寺僧還其父寄錢一飲酒樓得策一心痛卒

三緘贈一羽披何完骨肉愛不救腹心危

卜媒者

韋固卜婚指賣菜陳姬女止二歲固審刺傷眉間後登第娶即前女也

一絲足繫千里眉齊安在伉儷盡必門楣

猪鬣道人

能顛倒生物李巖慕色謀之授一瓦
劃壁即入室副欲

羽客積牙書生雀角盍保瓦全不教壁鑿

破慳道人

聞一富慳置其良馬罍中令作百人
食出置其父母壺中令作千人食出

假壺公術結黔敖緣安得傳鉢盡解倒懸

視鶯巫

能視鬼景帝疾試之殺鶯婦粧埋之使
說塚婦狀巫曰無鬼但見一鶯厚賜之

視人固難視鬼不易巫則有恒帝反開僞

縮龍人

西域人能神咒臨泉禹步龍出縮小置
壺中水養之齋賣早處著水復長致雨

壺中蠅蜒袖裏風雲惟拯鮒涸豈爲鮫文

汲婦

鼎州客見婦汲水幻術使汲不動婦擲擔化蛇竟入園齧客俱求解之仍一擔也

餅未羸○擔已舞○打草忽驚蛇○班門休弄斧○

巫者

建昌南山下有潭成化中旱巫命一兒投鐵符潭中雷雨立至俄一黑犬追兒入潭

驅龍行雨○謝仙可咒○驅兒入潭○符師曷救○

越處女

越王聞女有劍戟術請至逢一叟稱袁公求試劍即挽竹刺女女擊之化猿去

隱娘技精○巴兒心思異物○且然而况同類○

宋術士

子瞻謫僦子由謫雷魯直謫宜日僦從立人能歸雷雨在旧承澤宜有益棺義

遷謫由天○吉凶視地○占字知來○蓍龜神智○

相呂父

相呂后微時曰極貴相孝惠魯元皆貴去高祖追之曰君相皆貴後求謝無迹

識雉之著决龍之蔡剖玉有荆投金無瀨

判食士

李樓筠召謂汝知吾明日何殮日兩盤糕廿碗橘皮湯召對賜糜腹漲飲如數

食渺渺斷了了笑曰費萬錢止徒供一飽

石壇父

贈袁孝叔一編令一任一開五任無異歸見鏡中蛇驚死妻開餘幅惟蛇盤鏡

杯影可調鏡形難治父不添蛇叟堪附驥

類張嘉貞卜叟

天竺人

能斷舌先吐舌示客後截置器中示人取舌還合頃如故

口無急幻成魔削髮嫌根在忘言恨舌多

幻人

安帝時犛軒國獻能變化吐火自支解易牛馬頭善跳丸數至十。周穆時有化人

上士忘形化人弄影得脫火坑無非幻境

鉗徒

衛青少為平陽侯家人一鉗徒相曰官至封侯曰得免笞足矣後封長平侯

人能鑑自先知決奴垂竹帛決已應麻衣

卜地者

師郭璞術卜地寶蓋山在家倏聞金鼓聲曰此必盜葬往視見黑龍湧水出墓

尋龍得穴穴得龍爭豈生九種亦藉佳城

相墓者

相羊祐祖墓當有受命者祐掘斷地勢相曰猶當出折臂三公俄祐墜馬折臂

他年墮馬此日傷龍若曰貴背吾寧折肱

蠅術

相郭代公青蠅拜賀、纔及第、及登第歸、有蠅作八行立、約數萬、折躬者久去

藥榜蜚聲麻衣決策莫把賀賓謬稱弔客

虎筮

有神筮、能結壇召虎、人有疑罪、令登壇、有罪者虎傷、無罪者不顧

鰐尾安憑象鼻難料虎作庭堅吏應封邵

劍術老

唐韋行規遇店中簾桶老人、教以劍術、有驅風役電之神、二程遇簾桶授易

相彼劍老風雷在手何如筏叟乾坤在口

繩技囚

開元時嘉興競戲囚用繩著地、直拋空中、勁如筆、人隨繩飛去、脫身犴狴

治繩杳貫索皎徒知畫地工誰識凌空巧

公隱老

善變化術兼知禽遁八門煉一螺滴喉痼疾悉愈作符鬼懼

禽○其○遁○也○螺○其○丹○也○符○其○術○也○公○其○門○也○

骨相人

唐時無目以手捫知貴賤相杜循位極人臣果驗

吾○為○之○嘲○知○杜○郎○之○貴○而○不○知○子○都○之○姣○

召雪士

周靈王起昆明臺時赤旱一方士能以歌召霜雪引氣一吹雲起雪飛

不○喚○鄭○公○風○胡○召○天○公○戲○若○作○霖○更○有○濟○

雪名天公玉戲

射覆客

鍾傳以曆包橘致袖客曰太歲當頭立諸神莫敢當其中有一物常帶洞庭香

橘○射○袖○中○藏○太○歲○棗○猜○盒○內○羨○東○方○頡○頡○

奇人

悅般國獻能割人喉脉斷人頭復故蠕蠕來抄掠作大雨雪凍漂殆盡

以術眩人人情或有以術幻天天心當否

卜者

柳宗元夢柳仆地問之曰生則柳樹死則柳木木者牧也君其牧柳州乎

夢何常占已中一笑柳州柳還做夢中夢

泰元一師

泰元中一師有滅筭替生術王子敬疾子猷請代以其筭亦盡果相繼卒

九齡可錫促筭難移兄終弟及後覺前知

四相卜者

卜張定公寇準皆相逢張齊賢王隨復卜驚曰一日得四相人誹餓死驗

遇何常數已定枚卜有奇緣賣卜多薄命

繫蠅客

客在張芬席上以籌挾綠豆擊蠅十不
失一又指拈蠅足無一脫者座客驚笑

多口之憎一擊之力願借運籌盡除止棘

相蘇者

東坡謫海南曰少時入京有相者云一
雙學士眼半個配軍頭悉符其言

辨人中龍勝室中蔡冰鑑難逃風流何害

三才藻異

古董屠粹忠芝巖著

戎澄心源校

僊釋而異著者

丁令威

學道靈墟山、化鶴歸遠、集華表云、有鳥有鳥丁令威、去家千年今始歸、

華表歸來山川如昨轉盼蘇耽城頭鼓角

蘇耽化鶴

費長房

遇賣藥翁、同入壺中、後付一竹杖、任其所之、以杖投坡中、化為龍、

壺可入杖可出安得偷天手傳君縮地術

瑕丘仲

甯人賣藥百餘年因地動率或收藥棄尺復披裘造取後為扶餘王驛使

為壺公為郵吏避色避地活不了死猶未

趙惠宗

宜都道士通九天籙天寶末峽郡積薪自焚誦度人經化雲鶴去火燼草猶綠

曉閱丹書夕歸瑤島世歎積薪人悲芳草

葛僊翁

嘗從吳主至溧陽風作舟覆葛獨立水上衣履不濕後白日冲舉

覆舟衣不濕噴飯蜂滿室却丹砂飛白日

婁道者

掌中有一目指七節長為僧仁宗生而啼哭召入摩頂即止焚時獨晴留

肉眼已化慧眼猶存掌浮七級心斷六根

梅福

王鳳用事，福以尉上書，棄妻子，變姓名，爲吳門市卒，後煉飛鴻山，乘青鸞去。

避鳳而逃，跨鸞而去，過鶴難尋，飛鴻何慕。

吳門有鶴市。

蘇耽

至孝，忽告母曰：「僊道成，帝來召。」母曰：「誰養？」乃留櫃呼所需，卽有，後化鶴現。

召帝以符養親，以櫃化鶴歸來，孝思不匱。

桂父

象林人，色時黑，時白，時黃，時赤，南海尊之，嘗服桂及葵，和以龜腦。

餐龜餌，桂變幻無蹤，爲我告曰：「色卽是空。」

麻姑

同王方平過蔡經家，手似鳥爪，衣有文章，擘麟脯行酒，曰：「東海三爲桑田矣。」

鳥爪可抓，麟脯可擘，三見桑滄，一壺日月。

琴高

涇人善鼓琴客遊碭郡二百餘年時從碭水乘赤鯉出入僊去鯉化為石

鯉魚風來芒碭雲起坐石懷人高山流水

蕭史

善吹能文著事本末以備史故曰蕭史秦穆公以女弄玉妻之蕭乘龍玉乘鳳上昇

負董狐才作乘龍客簫有餘音墨無留跡

王喬

河東人漢葉令一日玉棺自天而下喬即沐浴寢其中王喬有三一子晉一餐肉芝

葉令雙鳬舉網得矣恐啟玉棺不存玉履

孫博

口吐火指樹火生葉焦能水面布席使衆上舞樂不沒引鏡為刀屈刀為鏡

火可吐水可安豈坎離交媾亦泡影同觀

廣成子

居崆峒山，黃帝問道，千二百餘年不老。

無勞形，無搖精。帝曰：敬聞命矣。無爲而成。

章玉子

含木噴成珠，與弟子行，各丸泥爲馬，乘之，日行千里。

珠可易，餅馬可渡。帝逆旅，如逢探囊，可濟。

崔珏泥馬渡帝。

鮑靚

漢南海守，得長生術，阻海風，煮石餐，以女妻葛洪。塋石子岡，盜發棺，止有刀，聲如雷。

遇風煮石，驚雷止盜。羨殺東牀，同頒紫誥。

許遜

母夢金鳳銜珠墜生，令旌陽點石代賦遊江湖，除蛟患。

掌鳳珠，斬蛟魄。錢穀堪輪丹，雞犬應拔宅。

梅志僊

能出神分身遠遊有無根栢栽之立茂常浹辰不食虎繞膝九十餘尸解

黃腸托根白額虎也繞足分影觀梅閉門養木

葉法善

隱松陽卯酉山嘗為其祖求李邕碑文并書不許乃夜攝其魂使就

魂可攝文其如法何親可榮法其如文何

白玉蟾

即葛長庚喜飲博洽善書遊西湖墮水達旦猶醺遇盜叱之刀自墮盜殺復活

千古蓬頭一生赤脚水火丹成刀兵自却

吳彩鸞

猛女遇書生文簫于道許婚文貧鸞寫唐韻售之如是十年各跨虎去

一日乘龍十年跨虎筆墨有花琴瑟如鼓

周顛僊

建昌人觸洪武怒投火不爇水不濡後遣訪廬山與天眼尊者對奕各以詩寄

水火不避筆墨可傳教人一著持危扶顛

陶安公

六安冶師有赤雀止冶上期九月七夕以赤龍來迎騎之上昇

赤龍翹翹赤雀招招赤水渺渺赤風飄飄

雷太雲

成化間居太和山敝衣蓬頭行若飄雲人望之遙在雲霧荆王欲殺之忽不見

飛蓬如飄雲若軒冕有伏弩烟霞有先著

程太虛

隱南岷絕粒有二虎侍左右忽風雨砌下得玉印乞符祈年皆驗

狼牙○辟虎尾履召穀神役楓鬼虛空傀儡

也米

吳猛

幼遇異人精道術以白羽扇畫水渡江許遜上昇猛亦駕鹿車去

畫○扇○渡○江○斬○妖○推○轂○孝○子○神○僊○恣○蚊○跨○鹿○

韋訪

夜泊涪陵江忽夢龍女迎入宮後登第知簡州女復遣書邀至勅充北海水僊

南○郡○遊○魂○北○海○坦○腹○不○解○江○珠○應○推○柳○轂○

趙昱

隋嘉州守潭有蛟患同六人持刀入水斬之忽棄官去

驅○鱷○無○文○斬○蛟○有○劍○碧○水○千○尋○白○雲○一○片○

一作孔元

服松實百七十餘尚艾以杖拄地持酒倒飲常鑿地方丈任月餘不食入華嶽得道

糧○貯○松○花○飲○倒○竹○葉○鑿○土○息○胎○入○山○蛻○骨○

王鼎

初醫卜遇雲房不食行江干人見有二影怪問之即現十影真宗召不拜遁去

煉形若鶴汎影如鳬鳳詔何爲而入我廬

子薰

隱囊山每浹旬不食或臨水餒蛭或袒露施蚊行有二虎隨即辟支佛化身

粒可絕物可親轉世辟支佛隨行封使君

化虎

衛叔卿

乘雲駕鹿見漢武臣之不言去帝悔求其子度世追之見與數人博華嶽石上

敝屣無蹤浮雲無轄一著峯頭點君眼瞎

安期生

秦時賣藥海濱已千歲李少君云遇之食以棗大如瓜菖蒲澗即其昇處

濟世藥囊飛身蒲澗瓜棗滄桑墨桃變幻

石上灑墨成桃

黃安

服丹砂體赤坐一大龜人問之曰此蟲畏
日月光三千年一出頭已三見矣

守爾靈龜觀我月日芥子三千丹砂一粒

藍喬

舉進士隱霍山吹笛賦詩飛昇去後見洛
陽置紙百張石下令片片拽之無一破者

柳汁衣沾梅花笛落紙貴洛陽烏飛盧霍

祝雞翁

洛陽人養雞百餘皆有名字暮棲於樹
朝日放散呼名即至

君其養木翰亦登天雲中祝祝物外翩翩

修羊公

魏人臥華山石榻石盡穿陷漢景帝詔
問化為白羊後貯靈臺復失之

臥白雲避紅塵非初平叱石亦左慈幻身

王布衣

賣藥洛陽柳信子眉上生肉塊王與藥敷頃塊破一小蛇漸長一丈王乘此去

眉蛇螫足龍驅經年如落魄一旦效攀鬚

落魄僊賣藥

徐牧兒

遇僊弈遺一碁子拾歸遂精手談復遇得修訣僊去埋碁土湧植杖生枝

扣角拙談手神夢魚跨鹿石煮白杖還青

尹思

晉元康五年元旦呼兒視日中見人帶劍杖矛日當大亂三十年果驗

舉目電如卜世龜如較之觀日之玉

照見日何如中宮殿

王暉

魏時人白羊公子之徒居熊牽嶺種黃精虎豹為耕出入乘之後傳術王法冲尸解

白羊趨後蒼豹驅前一朝鶴控不藉熊牽

盧子基

住隆慮山，喬順二子師事之，教以清虛術，服飛龍藥，一九，千年不飢。

一九九轉二喬，千年飛龍入腹，跨鶴遊天。

羅公遠

中秋請唐明遊月宮，欲傳其術，不許，殺之，後又在蜀寄當歸，及至蜀始悟。

月宮坦坦，蜀道巍巍，馬嵬羅襪，悔亦何追。

葛由

周成時，刻木爲羊，賣之，又賣桃市上，忽乘木羊入蜀，上綏山，隨者皆僊。

羞賣鬼

鬼化羊賣，伍作叱石鄰羊腸，雖曲木道乃行。

李根

兩目瞳子，皆方，云八萬歲，則瞳子方。

請問其目，不記其年，相顧一笑，僅有偃佺。

佺眼方。

梵公

鹿元令酷公爲隸杖用葱貯血多全活忽令見公行不履地修成以石臼爲冠羽化

葱囊解杖石臼充冠鳧飛有鳥鼠餐無丹

洪生

高尚博學乘青牛往來廬山能役鬼變化攜一小籃脯果衣褥取之無盡丹成僊去

腹○笥○滿○手○籃○空○五○峰○牛○背○紫○九○轉○鶴○丹○紅○

赤松子

神農時雨師服水玉水不濡火不燒止王母室隨風雨上下炎帝女追之亦僊

煉水火丹○隨風雨繞帝訪崑崙子請灑道

青鳥公

彭祖弟子入華陰山學道積四百七十歲服金液昇天

飲金液步玉虛○白○羊○堪○作○伴○青○鳥○應○銜○書○

有白羊僊

傅先生

入焦山老人與之木鑽使穿一石云穿此成道積四十年穿此僊去

磨杵成鑽石得豈是七竅通全憑一手力

裴老人

居清源買肉飼虎以拳扣石泉出斬登僊橋蛇相公廟臭蟲皆食人妖也蛻化

一妖一劍一石一拳一飽一虎一蛻一蟬

焦靜貞

女真也泛蓬萊求師遇道者曰天台司馬承禎良師也還詣求度未幾上昇

丹臺名列紫霄

天台峰

路真迷津一指不隔兩塵

尹繼先

目見徽欽北行遇異人授接命術劉瑾威劫其術不言掘土得鐵鶴跨之飛去

道君安在寺人何求君跨鐵鶴世重金牛

唐公昉

為漢中吏、啖瓜、旁有真人莫識、昉進瓜敬之、授神藥、知鳥獸言、舉家僊去、

獻瓜心誠。證果家。挈鼠欲易腸。鳥還饒舌。

昉有易腸鼠

王子晉

名子喬、好吹笙、隨浮丘公遇桓良曰、七夕待我、緱氏山、至期乘鶴、謝時人去、

浮丘從緱山待鶴羽。一朝逢鸞音。何日再

樊夫人

劉綱妻、令裴航搗藥、名玄霜、洞庭有鼉化城害人、飛劍斬之、

一盤獺逐一劍鼉。亡一曰玄霜。一葉慈航。

曹道翁

結庵汀州、施藥必愈、市酒必醉、或經旬不爨、有呼錢術、後尸解、

十日不火。一呼盈橐。收肘後功。取杯中樂。

務光

耳長七寸、好服蒲韭根、湯以天下讓、負石自沉蓼水、四百餘年復見、武丁欲相、遂遁

不洗七寸耳、自沉四百年、蓼水碧韭根甜

周亮

母見五色霞、感孕、姚坦授秘、能治怪見、形子晉召賜芝、能變化、或老或少、九十昇天

霞燦燦、芝森森、煉成老少術、德至鬼神、欽

倕佺

槐里採藥、父食松、體生毛、數寸、方眼、行逮走馬、以松子遺堯、不受、時食者壽三百

毛已長、眼已方、松實猶堪獻、葵心終不忘

鄧郁

隱衡山、服雲母、爲梁帝合丹、貯五嶽樓、魏夫人乘雲來語、見青鳥曰、求勞得逸而逝

鳥語先將鶴背、未控五嶽樓頭、向禽同夢

葛洪

字苑梵，浙中名山皆有藥竈遺跡，如葛山、葛井之類。

到處丹燒何年跡，沒更不點金。民胥懷葛。

介象

能茅上煥雞，令市人皆坐不起，能變草木為獸。吳王召取，鯢作膾。

雞○煥○茅○上○鯢○釣○筵○前○幻○泡○小○試○愚○弄○大○千○

彭宗

師杜仲，有神燭術，能臥水底，竟日或瞑目經年，能氣禁猛虎。後僊，治赤城宮。

燭○如○日○虎○如○羊○赤○城○振○鶴○擎○翠○水○臥○魚○牀○

王退

幼師焦曠，授三洞訣，餐松賓至，先有二青鳥報，居常虎豹馴遶，隋文時僊去。

得○三○洞○訣○結○二○空○緣○赤○松○未○至○青○鳥○先○傳○

虎有大空小空

黃初平

少牧羊，遇道士至今，華山四十餘歲。羊化為石，兄覓索羊，叱之，石起，成羊數萬。

變莫測山頭石笑殺平泉公萬羊不下嗌

德裕名萬羊相

單道開

燉煌人，衣褐食細石不臥，西來日行七百里，佛圖澄語不能屈，尸置羅浮如生。

舌不屈足堪跨餘糧留石子大夢付梅花

孫思邈

救蛟入涇陽龍宮，授方濟世，唐明夢乞雄黃齋，送石上有表，隨寫隨滅。

方傳水底藥乞宮中字無鳥跡夢有蟻通

費文禕

飲江夏辛氏酒館，數載不倦，取橘皮畫鶴，拍歌，鶴下舞，後復至，弄笛，鶴下乘去。

柳枝一拍梅花一笛鶴去江空樓殘月寂

謝仲初

悟道於閤皂山、一日歸里苦旱、拔劍刺地湧泉美、過江無舟、以竹葉渡、

卓劍湧水、揮葉行舟、風流太傅君視浮鷗

董伯華

成化間居泉州、能呼風雨、常賣雷、一符一文、童輩買符藏、開即聲震、後尸解、

謝僊可賣風伯可呼先生驚世童子分符

雷名驚世先生

王遙

治病、但以八尺布裹之即愈、有邪魅、即畫地作獄、呼之皆入、忽負篋僊去、

魅畫地病回春布中無法水篋底有奇雲

崔珏

令長子、晝理陽、夜斷陰、牒拘虎、河泛、奏帝一巨蛇死、高宗走鉅鹿、白馬前道即其神

牒虎平民泥馬渡帝藉君精靈助彼神器

陸修靜

重瞳掌有篆背有斗文精象緯與陶潛
慧遠結社一日若趨裝將行忽尸解

斗○可○射○數○先○知○何○年○跨○鶴○背○重○來○笑○虎○溪○

虎溪有三笑亭

明崇儼

洛州人召龍入甕取肝治病唐高憶瓜
索百錢頃刻進云得之緱圃思雪立致

龍○肝○可○致○鬼○髓○名○瓜○可○嘗○何○難○絳○雪○再○度○君○王○

麻衣僊姑

汾州任氏永樂初不嫁麻衣逃入石
室隱如雷壁合有手跡禱雨輒應

衣○無○跡○壁○留○符○長○呼○推○轍○女○來○救○積○薪○巫○

司馬承禎

隱天台天師聞其額上有日如錢腦
有誦經聲後為東海小青童君蟬脫

山○中○霞○影○赤○額○上○日○光○紅○真○返○老○而○還○童○

吳道元

善畫謂張繇後身唐明使畫粉牆山水有一洞擊指開遂入手招上頃閉忽失

傳神點睛撒手入窟見道於牆致君有術

王可交

耕釣華亭見彩舫道士招徃食栗上岸是天台云三月三離家到此九月九矣

招授栗歸飲菊誰知萍水交卽是桃源族

邢和璞

善筭心術法活暴死者廬終南忽設具有人首居半衣緋執笏云上帝戲巫也

太乙廬太倉肘簡帝心見巫首璞不待剖

許棲巖

下第歸馬墮劍閣隨馬行至太乙元君室酌石髓馬卽龍也乘而歸

墮雲中歸月下羨酌髓乘龍勝看花走馬

李長者

日食十棗一栢葉遇虎曰吾欲釋華嚴經可擇棲虎引至神福山九十六化

猛虎開疆香象結草一字一珠一栢一棗

馬大僊

唐末處州女家貧養姑往來傭績去家百里有美食以箬笠浮還家薦姑即回

傭織供甘瞬息左右杯渡聖僧笠浮孝婦

張氤

號洪厓子隱姑射洞玄宗命嘯即發賣藥市中治疫立愈大霧尸解詔配肅宗

善孫登聲續韓康路手可回春足應騰霧

左慈

曹操召閉一室絕穀期年如故席上致松鱸蜀薑操欲殺之化羊去

座上鱸郊外脯變幻有聲羊玩弄無情虎

鍾離修

萊蕪丞、父家病篤憂疾、魂忽到家、妻問之托以潛歸、葬畢失在、

朝○天○鳧○魄○
墓○父○蝶○魂○
牀○頭○有○路○
甕○底○無○塵○

顏真卿

遇陶八入、授碧霞丹、後遣問罪李希烈、縊殺之、如生、有商至羅浮、見奕寄書還、

厄○難○逃○
蛻○何○處○
坐○隱○兮○
逍○遙○
羅○浮○
兮○來○去○

伊祈玄

憲宗召入、飲龍膏酒、種雙麟芝、餌帝不放、還作蓬萊三山、邀帝觀、即辭遁入、

龍○膏○沃○麟○
芝○抽○蒿○
宮○空○有○
鑰○蓬○
島○遯○
無○舟○

軒轅集

髮垂地、齋則分身至、袖出壺飲不竭、拂病即愈、宣宗召致相子荔枝、射覆知鵲、

醫○稱○神○
齋○難○數○
手○既○有○
醴○泉○
胸○豈○
無○果○
圃○

張英

明儀隴令過采石遇女曰夙緣當會大儀後聞機聲逐往至洞啓女迎入卽閉

空山杼軸宿世根蹤騎鯨捉月跨鳳乘風

程濟

明岳池教去家數千里日在家而往治學宮靖難師興從建文逃多以術脫

治效鳬飛亂隨龍蟄振鐸之宗濟川之弼

譚紫霄

廬山僧祖亭苦石不能平以指捻訣喫水石應手如粉賜號金門羽客

喫酒滅火喫水烈石開方便門奪點頑席

東郭延

服靈飛散能夜作書身耀暗室望見數十里外小物知人生死四百歲不老

如冰之鑑若火之然彼映雪者作朝露觀

劉玄英

號海蟾悟道人累卵解印去後千餘里
同日皆書龜鶴齊壽字尸解白氣化鶴

悟累卵危得解綬樂養氣若龜化形是鶴

景知常

顏如渥丹或寒浴溪暑曝日所居夜神
光滿室數百歲尸解

顏如丹籌添屋寒浴可侵冰夜遊不秉燭

馬湘

字自然醉墮雪溪經日出衣不濕言爲項
羽召飲拳可入鼻指水逆流指柳隨走

捉大鼻醉重淵彷彿鴻門燕依稀白玉蟾墮湖達旦猶醺

馬鈺

寧海母夢麻姑賜丹生僊重陽度之同妻
孫僊姑修廿年見妻先昇是夜出神逝

萱受賜荆飲芒三壺調琴瑟一夢見滄桑

張九哥

慶曆中居京，雪亦單衣，燕王召飲，剪羅爲蝶，隨剪飛遮日，呼之復爲羅。

從燕王飲，幻滕王圖，喚醒夢蝶，指點迷狐。

滕王有蛺蝶圖。

魏二翁

持蒲筴語禍福，驗製一續，賊竊之，翁呼名驚去。徽宗使召不見，但聞鼻雷傳頌。

竊續呼驚，持蒲談中，飲日傳真鼻雷作頌。

侯道華

芮城人，如狂，登危如履平，手不釋卷，葺茅屋得金合，有丹吞之，上松頂凌空去。

葺茅天作合，登松地作梯，笑僊骨亦書癡。

申泰芝

母夢吞芝孕，與玄宗同誕，召入，與張雲客絳雪丹，云服之不壞，百年復滋，果然。

夢芝孕，取芝名絳雪，今度世青雲，今化身。

有青雲芝。

曹僊媪

攜幼女一犬將渡拒之凌波御風須臾登岸與女及犬俱化石祀之

肉眼誰知化石何故犬不吠雲女還泣露

侯先生

大中間貨藥京師無鬚眉癩贅遍體馬元夏隨出見侯浴一大蝦蟆也求丹度

田父

蛙名

潛形水濱露質度馬有丹戲蟾無術

王文卿

解呼雷役鬼政和初召命禱晴楊州旱求雨借黃河水三尺雨皆黃渾後解化

解○白○屋○愁○借○黃○河○水○天○上○呼○雷○人○間○役○鬼○

羅通微

臨晉人遇閻案謂其骨相不凡至五老山絕粒貞觀中忽地震龍出跨去

百○里○驚○五○老○盼○人○可○效○雲○從○龍○應○精○風○鑑○

張伯端

遇海蟾授丹與僧出神遊觀瓊花各折一枝歸僧無而端有死化得舍利千餘

蝶魂折玉藥蟾魄授金丹舍利子肉飛僊

魏伯陽

丹成試三弟子自服死一弟子亦服死二弟子出山伯陽即起同一弟子僊去

龍虎成雞犬竣試人自試未知生焉知死

劉希嶽

宋道士作詩夾春雙關至頂門修行徑路此為根忽臥見飛出金蟬遂失所在

含紫氣閉玄關蟬脫歸何處長遊五嶽間

白仲理

時代無考海州人隱徐無山中合神丹成乃作金以濟窮民飛昇

詩曰丹成可渡貧窮海善積應登兜率天

郝大通

夢神受易卜休咎皆驗坐趙州橋下小兒戲累磚塔於頂不側水溢石傷僊蛻

休咎夢中浮屠頂上造化小兒弄之股掌

林靈素

永嘉人以方術幸徽宗一日見黨人碑素稽首上問之曰此天上列星也

拜天上列星扶人間正氣方術有裨於治

丘處機

師重陽金世宗賜錢十萬辭梨花養餅結實廿四枚杖擊延祥觀枯槐復茂

枯樹復新餅花皆實十萬纏腰笑他何必

莫月鼎

受徐無極法元世祖召取胡桃擲地雷電飲西湖日赤拾果殼浮觴卽覆片雲

雲已吐笑虹還飲釜雷難躲勸人休擲果

徐彎

海鹽人，能捕邪。杜女病，符召見白衣人，叱成龜，後登山不返，尋見不動，抱下惟殼耳。

骨已脫

符可知，魄不乘龜去，魂應化鶴歸。

黃安乘龜出入

劉女

劉安上女，九齡，與羽人談道，得度及笄，于歸何姓，忽一白鵝自空墮，女乘之去。

幼授笈，孰執柯，揣知道士，鶴復化右軍鵝。

陳搏

字圖南，一目十行，居武當，辟穀廿餘年，夢神持劍呼曰：子道成矣，徙華山。

墮驢，顏開，蟄龍夢警，劒指金神，舄飛玉井。

董奉

字君異，晉時隱廬山，治病愈者，令栽杏成林，菓時易粟，竊取虎逐之，穀悉賑貧。

藥瘳病，粟濟貧，杏林還有虎，橘井豈無禽。

朱橘

夢道人持橘命食因名後遇鞠君子修皖公山分身行地立化縣前泥塑後毀無骨

夢橘立名

遇鞠脫殼增皖公輝同巴叟樂

橘中龍也

趙升

學道張道陵七試之命取絕巖下桃實擲下正投樹上峻壁難上陵引手接之得道

七試不逃

九轉可指絕壁提攜僊門桃李

王一處

母夢霞繞生臨危翹足數日不移呼鐵脚僊洞前一石斜出數丈二拳即墜

鐵脚翹翹

鐵拳嘖嘖霞氣鍾英雲根畱跡

翟栢廷

自幼靈異稱翟童因戲入井中自大西洞出依善卷祠修煉

非井底蛙

乃洞中鶴善卷可依善戲不虐

程偉妻

漢黃門偉好黃白術妻方氏出藥成金偉力求不傳逼之遂狂走尸解

夫乃婦之天非人莫與傳忘結禍悔燒鉛

壽光侯

能劾鬼自縛見形有神樹治之大蛇懸死武帝托怪假人試之立仆帝解甦

術能縛鬼效可通神老侯非假少君非真

薊子訓

坐數百人設酒脯不匱後遁去見與老翁共摩銅人曰見鑄此已五百年矣

不空玉友長笑銅人駝悲埋棘燕語班荆

林癸午

幼牧牛吹簫畫地不踰長治病卽愈河

驅犬吠雲歸牛畫地引鳳緣慳牧猪心企

子晉吹簫牧猪

姚光

能分形散影，吳王積薪令坐，火發三息，光從灰中振衣起，手常把一編，人不能解。

積薪不灰，幻影如電，手上一編，甯封秘撰。

王遠

字方平，漢中散大夫，明圖讖，桓帝徵至，題宮門四百餘字，帝惡削去，內字隱見。

易門耶，揮毫深入木，羨門耶，鞭蔡洞入腹。

子英

捕養赤鯉，長丈餘，生角翼，騎之上昇，每歲歸，與妻同處，數日復去，如此者七十年。

養鯉乘空，跨鯉歸室，豈聽釣，天未忘琴瑟。

宋倫

服黃精廿年，六玉童迎之，預知吉凶，日行三千里，或化鳥獸，上病同寢，愈，命司中嶽。

立能飲，日行可追風，童迎戶外，帝命天中。

章震

精五行以草石爲六畜噴水成珠吐五色雲指鳥卽墮召魚卽起入崆峒昇天

從心木石應手禽魚人間弄術天上結廬

郭瓊

每寄宿人家乞薪積讀主人有笥中書能悉知筭人隱事皆曉行地無跡

御風而行秉燭而讀笑人隱衷問誰曬腹

武元照

蕭山人幼齋夢神曰汝本玉女謫塵授靈寶符法療疾日詣數十家訪已死矣

得秘法復超塵蝴蝶生前夢鵲幻中身

音卞姓也

范子珉

處州道士嗜酒談事奇中訪郡守曰負公畫四軸畫成逝歛得片紙書天帝召

酒債盡墨債酬休再償詩債登天賦玉樓

長吉召賦玉樓

蔡女僊

襄陽人善繡忽有父請繡雙鳳成日父指點安眠雙鳳飛舞父與女各乘去

白髮點睛紅顏破夢未解乘龍先招跨鳳

緱僊姑

修道衡山八十餘無侶傍南嶽魏夫人壇一青鳥來人至鳥必預言

有鄰伴一鳥無客下雙鳬道在是德不孤

邊洞元

范陽女幼慈霜雪以米餵鳥有叟與一丹服之令處高臺七日可昇僊樂迎去

一丸卽粟粒七日是瓜期鸞已去鳥仍飢

許宣平

歙人唐時隱城陽山絕粒負薪獨吟李白尋之不見庵焚失在百餘年復見

已辟穀何負薪去還思跨鶴吟恐笑騎鯨

李白號騎鯨僊

茅盈

修恒山二弟爲守盛饒盈曰來年四月三不減也至期饌樂從空下迎官數百昇去

輕簪笏慕烟霞鵬程多畏棘麟圃有期瓜

柳融

取杯咒成龜煮可食腸臟皆具取肉則殼復成杯矣許遜擲杯化鶴

杯變龜龜復杯但得騎驢酒趣何如化鶴奇

梁果

廣寧人每採薪夜騎虎歸後死烏石潭有虎銜屍置庵中設祭一七今肉身猶存

不尋樵伴止結虎緣樵知樂利虎解親賢

趙丙

漢東陽人常遊遇友酌水爲酒削木作脯皆醉飽至渡無船布席而過咒枯柳卽生

葦可航木可脯咒柳已返魂班荆誰堪語

趙迦羅

昆明人元時有蛟化美男挑婦請治遣天神擒至喫水化形斬之不知所往

孽已滅跡可藏慎即也如再出應許助旌陽

李賤子

宋融州人傭龍氏喜眠責之結草為人使耕耘驚遣歸驅魅不假符咒忽化

代耕可用草驅魅不須符魚作夢蝶為徒

南陽宮主

嫁王成莽秉政如華山歲餘乘雲去成追之登峯遺珠履取之化為石

鳳臺空龜臺辟雲裏舞霓裳峯頭換鳬舄

瑤池有龜臺

石中真人

姓陳隱石室蟾負芝食野鹿同宿來京鹿負行李夢神曰鹿即龍也跨昇

囊鹿負芝蟾銜早知龍是鹿安必鶴非蟾

常醜女

蒲州常志清女，貌陋患瘋疥，筭無媒。忽出以裳蒙首浴池，出則體變如玉昇去。

入水脫塵

點鐵成玉鶴骨，何常龜齡可續。水僊也。

安世高

番僧，至宮亭廟神，能分風往來。忽語前世為僧，以嗔恚受報。高令見，乃蟒度之。

妖作語

度脫體貪嗔已若此，嫉妒可知矣。

黃野人

葛洪留丹羅浮柱石，黃得粒服之，紺毛人見問，長笑數聲，響振林木，歌詩去。

吞柱中丹

絕口中粒歌腹中詩忘山中曆。

樂二女

陵川人繼母酷事孝，使採茹泣血化苦。苗採歸怒，又令拮麥穗，龍下俱昇。

一男化鳥

伯奇化二女乘龍人傳奇事天鑒苦衷。百勞。

景素陽

襄陵人師梁古賓居阜山元末兵掠賄將殺賓請代之刀折為三皆羅拜去

石○未○點○為○金○身○先○化○作○鐵○烈○魚○腸○堅○鶴○骨○

黃令微

女冠髮白變紅野鹿中箭拔之齋時銜藕獻臨棺不釘幕絳紗電繞尸空矣

鹿知銜藕鳥應獻花黃冠脫骨赤電籠紗

林道玖

雷州人能召雷降雨常擲履水中化魚能輕高數十丈懸空豎旗劍後尸解

袖○拂○雲○兮○劍○倚○天○手○藏○銀○竹○

兩○今○足○吐○紅○蓮○
也
魚也

馬師皇

黃帝時治馬醫也有龍下垂耳張口針其唇下以甘草湯飲之一旦龍負而去

懸肘有術攀額無從醫可師帝馬亦成龍

劉偉道

學僊僊試以白髮一莖懸巨石鼠嚙髮欲絕使臥其下了無怖色二十年成道

試何險臥何堅况此多年知仁勇三者兼

王元之

隨道士入江底水隨步自開見物如龍日此寶母見長生自是能泛水安坐

晶宮闢寶母跨贈不須分水犀出自可乘槎

胡惠超

身不甚長每處稠首獨昂出雖至長者止及肩指地中金石寶器穿之必獲

君不貪高宜其上人不愛寶宜其贈貧

鄭思遠

乘虎二虎離負經從逢許隱煖藥酒虎拾柴煥火隱患齒痛求虎鬚插齒拔之

山之君吾之徒有柴可使拾無酒可使沽

葛越

能治病善氣禁虎水為逆流歲百八十舉千鈞行及奔馬召龍作雨乘龍去

能逆水及奔虹

馬也

嘯風知虎伏作雨羨龍從

劉政

一百八十歲童顏能分身千萬隱軍成林吹氣為風爐水成雲召魚鼈登岸

魚鼈手中行風雲口內致看分身總一氣

涉丘

瞑坐廿年弟子固請之乃開聲如霹靂閃如電復閉

閉目廿年放光如電閉戶十年入道如箭

尹澄

隱泰山服香芝日行七百得九丹訣投符水逆流暴死能活怪自縛壽三百餘僊去

能起屍能縛鬼願借握中符盡挽趨下水

三ノ濱具

三

杉園

下皆釋

寶誌公

朱氏聞巢上兒啼收養對梁帝食膾吐成鱗皇子生曰冤家亦生知侯景同日

膾吐金鱗錫飛白鶴產樹有因解冤無藥

竺道生

鉅鹿人年十五即登講座宋太祖雅重之虎丘講涅槃經石亦點頭

傳鉢鹿苑振鐸虎丘世多肉眼借石點頭

佛印

名了元住金山東坡訪之解玉帶鎮山門報之一衲

出儒席入禪林留得蘇公王長鎮揚子金

僧安

住王屋講涅槃雌雉伏聽忽不至安曰雉生人道至越州家喚雉一女出述本來

為說涅槃為說緣覺卵生胎生隨人自托

金地藏

新羅僧唐時居九華取土雜飯食之九十九坐化三載後開函如生骨節俱動

食飯雜泥開函見骨峯何取九生不滿百

佛圖澄

乳有孔通腹塞以絮拔之洞室以油塗掌見吉凶聽塔鈴知禍福石虎師之

傳燈拔絮抵掌塗油卽心是佛以虎爲鷗

辯才

於潛人居天竺峰下復結菴龍井與徒環咒忽見大魚自泉中出

師去天竺山空鬼哭師歸龍井泉香魚聆

寶達

居靈隱時浙水漲激誦秘咒止之是夜伍員來曰師慈心爲物聞命矣

善持梵咒何用弩矢忠勇怒潮慈悲止水

道清

姓楊滇人誦經感現大士利物為心漁者焚網酒家噉具化時雲繞舌根不爛如蓮

目不迷舌不灰椒圖螺屬還戴德蓮社恐攢眉

智永

王右軍七代孫乞書者如市戶限為之穿因以鐵裹瘞筆十甕號退筆塚製銘

釋則名也而儒則仍退思禿穎進思傳燈

慧遠

姓賈杖錫廬山結白蓮社唯淵明至則許飲酒靈運求入以心雜不許

過虎三笑遺鵝有聽經鵝獨泣蓮社何妨開樽試筆

靈知

生無雙目號羅睺和尚經綸文字悉能明了時人號有天眼鑄鐘建塔皆經火不毀

是人非人是羅睺羅是天中天是婆伽婆

善覺

裴休訪之問有侍者否曰有喚大空小空忽二虎出○德聰有虎名大青小青

空空之輩青青之羣安得皈依盡封使君

曇超

講經靈苑一龍化人曰吾兄弟五人居靈巖怒耕者逼居閉雨師詣誦經而霈

耕讓畔○蟄從繩甘霖能濟世法雨可傳真

覺慶

鄞人元初坐化茶毗遍體汗下復回夜紅光貫天顏如生鬚自長漆肉祠之

流白汗貫紅光生前○憐髮短死後笑鬚長

定光

姓勒名自嚴泉州人十一出家得佛法虎傷牛書偈虎斃龍害民投偈沙壅

逐虎驅龍只須一偈所以者何童身出世

國一

昌化姓章名俱詆童修來禮法欽令叱石屏裂為三賜號此每說法一雞傾聽

詩曰叱石不妨三作魄聽雞何碍一傳真

寶掌

唐僧至諸暨自云千歲種貝多木一枝在巖時有頻伽鳥巢其上

斷生滅空木月和梵出頻伽翻經落貝葉

大智

姓王少事龍泉師令浣布於井見二龍戲水遲歸詰之遂鉢探二龍獻師薙髮

香象未皈神龍先貯變化鉢中慈雲法雨

大顛

姓楊棲潮陽出入虎隨植荔千餘灌一壺皆遍韓愈召畱偈逝發棺惟一鏡

獅作座虎為賓淨餅

荔名淨江餅

能應手孽鏡不隨身

支遁

隱沃州山論逍遙篇王羲之歎服有人送雙鶴養翮放去又喜養駿馬

未解參龍何妨畜馬放鶴心超籠鵝交雅

惟亮

築菴龜湖山有大龜浮湖中往來輒載之後捨身飼虎龜遂化石

捨臭皮囊飽左飛革餓虎安存石龜不墜

普聞

唐僖宗子建剎龍湖山約廣祐廟神持戒有龍行雨見罰求救覆衣得免後跨虎去

開方便門廣不殺戒東土五支天潢一派

阿漂

建寺雲南水目山閉戶置筐市物供役頃之自盈人窺之遂化寺有木犬客至則吠

傾筐盈盈涅槃密密木魚穿雲木犬吠日

義中

三平山有鬼穴。鬼昇入潭如故。乃服乞爲架院。令閉目五日。成大魅。隨侍名毛毯毯。

伎倆有盡止。觀無窮。山中精舍。神運鬼工。

慧安

晦夕。堂戶未開。從壁隙出入。後附商入湘。路患痢。置岸側。夜見火出。視已死矣。

岸側非鬼。壁隙非人。洞乃三昧。脫却四生。

智僊

蒲坂劉氏女。出家守戒。隋文帝幼時。化龍墮地。曰驚兒。令晚得天下。告以重興佛教。

驚龍入掌。香象圍家。曇花結果。貝葉抽芽。

賓公

祝髮明山寺。徧身瘡疥。主僧厭之。每赴齋。醮肩留之。及至已在座。後坐脫時。現祥光。

是真肉眼。是假皮囊。祥光外露。舍利中藏。

真俊

峽山神夜叩師曰峽據清遠上流欲建一寺許之忽風雨殿像已至寺名飛來

卓錫神呼

吞針鬼叫入定飛來龍吟虎嘯

釋鬼

戒行嚴潔嘗有一女寄宿自稱天女鬼一心無擾女乃凌雲而去

滄海易竭

須彌可遷我心如結死灰不爇

贊寧

識飛鴻橋下有海馬骨辨太宗畫牛最博乃禪之茂先也

鹿苑小

雛雞林老蠹繡佛書厨長齋經庫

羅岷

天竺來永昌山嘗作戲舞山石隨之後沒祠之巖下時墜飛石過者驚趨呼催行石

石不點

花不墜天地一戲場古今一磊塊

平麓

居鳳山神輸木石見香飄隨往建寺新嶺
死不毀遺言十年一更衣呼方廣佛

緇之好○今十年易之方之廣矣一葦航之

道洗

朝鮮崔氏園瓜長尺餘女食有娠生子棄
七日鳩燕覆翼養爲僧入唐傳一行地理

瓜○瓞○天○綿○鳥○覆○其○七○法○象○胸○羅○僧○得○其○一○

豐干

語天台守閭丘曰文殊普賢在國清寺執
爨洗器卽寒山拾得訪遇之曰豐干饒舌

付拂守執爨僧一朝忽點破都是再來人

慧滿

唐時誦經忽白衣造聽云是東海王少子
時旱令雨答犯天禁令捨身救民遂霽

緇衣誦白衣聽能勅龍濟世勝飼虎捨身

法聰

與晉安王臨白馬泉有白龜就手取食曰此雄龍有五色鯽就手食曰此雌龍

視於形外弄之掌中彼參鉢者較若雌雄

知苑

隋時造七石室摩筆寫經寫滿卽塞又造佛堂難辦木瓦忽雷雨松栢數萬漂積

木從天降經藉人傳凡僧藏拙廣種福田

金剛僊

唐時居清遠咒金鎖潭龍入餅將煮膏塗足渡海從衆求放之泛舶歸天竺

未酌一願龍膏足塗不然歸國何用檣烏

長水師

嘉興人註華嚴經八十一卷跌寂雨甕合塋金兵至發見手爪遶身復瘞去

甲中藏世界筆底散天花生不滅死不嗟

德聰

吳人結廬雲間。余山之東峯有二虎爲之衛。名大青小青。行則隨時前後。

老僧多事。呼青呼空。道在是矣。晨雞暮鐘。

僧可

達摩授楞伽。遭賊折臂。忍痛法林。被破臂。叫號可乞食供之。林怒不周。曰我亦無臂。

無臂有人。有覺無我。無我無人。誰曰不可。

連精

元真南早祈雨于淨餅中。出小蛇。雨大降。辭歸役鬼荷擔如行空。不知所往。

秦龍於餅役鬼於擔。願師無忘救災恤難。

法顯

入西竺。經雞足山。遇麗眉問之。知是尊者。追至迦葉門。爲石所橫。流泣而去。

麗眉雞足。涕泣猿聲。法門無量。石門無情。

智藥

天竺僧沘曹溪聞異香曰上流必有勝地遂開寶林云七十年有無上法寶至此

法寶未開智囊先結勝地人關異香天洩

宣什

閬中開元寺衲通經典魯王表異之後居織蓋山無水以杖叩巖卽湧

翻貝心融扣巖泉應裂石分奇一國咒魚同證才辦

寶安

八百歲來秀水躬運石上作山亦名五臺建院不衣臥草終後肉身不壞

手開五臺兮石點頭心栽四果兮蓮吐喉

月溪

宣德時住印山帝召密置經覆地自覺不履賜茶南灑日留都焚四十八戶驗

等東方之射覆鄰樂巴之喫火果哉智果

圓澤

與李源同遊，見婦錦襦而汲，曰：此孕三年，遲吾爲子。今無逃，至暮亡，卽三生石事也。

不離破衲，難脫錦襦。三生猶話牛背夕陽。

元照

講經嵩山三叟來聽，問之龍也。求霖日雨，禁嚴如求孫居士可致，照乃求思邈果滿。

可散花，難驅魃。居士能傾盆，老僧空秦鉢。

智藏

宿靈曜寺，夜暫用心，見有金光照曜一室。洞明曰：此中奇妙，未可得言。

開光明藏，現奇妙相。拔絮出孔，笑葫依樣。

惠越

開皇中有戒行，遊羅浮，常引虎枕膝。

敲魚翻貝，月枕虎聽松風。象緣結蝶夢空。

有羅浮蝶。

鳩摩羅什

天竺僧，姚興迎事，夢兩兒登肩，進女生子，僧多效之，什吞針，盈掬盡服。

針○緣○方○開○夢○緣○方○了○大○闢○禪○宗○作○俑○梵○嫂○

僧妻也

寒山拾得

隱天台清涼寺，風狂逐之，但笑拾得殘食，寒山負去，文殊普賢化身也。

負○已○殘○笑○未○絕○太○守○有○夙○根○老○僧○反○饒○舌○

豐干告閭丘守

小康

乞食睦州，得錢誘小兒誦佛一聲，遺一錢，康聲獨高，見佛從康口中出。

錢○出○於○手○佛○出○於○口○卽○佛○卽○心○非○無○非○有○

大安

則天時有女，稱聖菩薩，能知人心，安置心四果羅地，女不能知，辭屈化狐去。

置○阿○羅○地○遊○極○樂○天○顯○伏○虎○手○闢○野○狐○禪○

文通慧

掌斲盆、悞擊死沃腥者、久日廿年公案當了、頃卒持弓射、語故、卒悟立逝、

僧完公案。卒悟覆盆証立地果開解脫門。

黃檗運

悟後省母、母不識、辭去始知、追至已登舟矣、一跌而終、運擲炬見母化昇、

水如練。炬如電。度母昇天。所聞不如所見。

道明

織草履養親、及施行路、黃巢犯境、織一大草履標三十里外、巢見之即去、

不借

草履經綸。堪以禦暴。踏破鐵鞋。問誰解倒。

龔聖

結庵道人峯、喜乘龍往來、常有虎隨相應、稱伏虎大師、

結得道人峯。龍虎從。料得梵王宮。獅象通。

鑑源

唐時於三學山講華嚴經、感聖燈現、菩薩放光、改井名開照

闡法結今緣、然燈現古佛、悟源流、開雲日

妙心

閩僧、母瘋、僧糊一紙、毬告天、貯火毬內、不損、遂破腦出髓、和粥服、母即愈

鉢傳無相心、切忘憂也、爲求瞋眩、打破骷髏

儀光

朝士妻死、請修福、其夜合家出避、師獨誦經、其婦進食、明旦家人見屍橫臥、手污麵

翻貝葉、爨鬼薪、行尸主中饋、坐衲度迷津

崇惠

魚朝恩於章信寺架刀成梯、約高百尺、惠徒跣登級、如履平地

白刃可蹈、紺園可栖、三刀三刀可羨、百尺可嗤

禪師

强練

建德中、每夜街哭釋迦、果廢寺、大乘末、以無底囊乞長安米麥、受卽漏地、果移都、

遷徙何常興廢何妨如來泡影大地空囊

僧亮

欲造金像、至湘州借用伍胥廟銅器、夢神相敬致贈、鐘磬一夜飛至、

相未空神先憶衣鉢放毫光磬鐘生羽翼

騰摩

漢明帝夢金人曰佛、遣往天竺尋訪、遇摩要歸釋經、中國有僧自摩始、

闍貝葉宗作空桑祖蓮社風開葱嶺月吐

法度

居瑯琊棲霞寺、先是住者輒死、度到、有人日靳尚言王此七百年矣、慕師道德謹奉

一錫卓萬山欽自有降魔杵何須吞鬼鉞

耆域

歸天竺洛中設食五百舍俱在其去如飛後賈客是日見于流沙計九千餘里矣

百室化身萬里捷足身止赤身足非白足

曇遂

夜睡聞請師設法比覺已身在白馬神廟中自此日日密往人無知者

夢中法說祠內神遊雉不傾耳馬亦點頭

僧安講經雉聽

法蘭

漢鑿昆明池得黑灰方朔曰西域梵人知之及蘭至曰世界盡劫火燒此灰是也

一燈開慧萬劫指迷小兒先覺老衲前知

佛調

入深山一年持乾飯數升還恒有餘常大雪入虎穴中虎讓而去

飢可忍寒何知鼠笑無留飯虎慚不解衣

義師

忽操斧砍民舍簷或禁之是夜火惟壞簷者獨存洗面即雨

盆作霖斤滅火非喫酒僊藥乃徒薪智果

英師

西京設水陸齋夜見人稱莊襄王指徒曰此范睢白起等也

獄鬼超梵帝格函谷少青燐長平餘白骨

曇無竭

至舍衛國逢群象師念佛即有獅來擒渡流沙值野牛復念佛即有驚飛逐

佛與僧聲應響驚嶺無全牛獅座有馴象

勒漫提

見洛人入嵩山取薪遠負辛苦牽取二山枕洛水頭伐足復還

移山脚枕水頭救得負薪苦難解積薪愁

法願

善相宋太祖取一囚一奴衣冠令相之願曰君多厄下堦卽鈕謂奴曰下流中人

辨貴賤

定吉凶姑布何以異麻衣將無同

法喜

煬帝奉內忽夜索羊頭帝怒鎖之奏喜在市遊開視見袈裟覆一白骨不知所終

白骨袈裟紅塵泡影乞爛羊頭看好帝頸

陸法和

戒行同沙門從湘東王征侯景郡多神祠最靈自和軍出無驗乃神皆從征也

從龍傑飛鷲英

冤家侯景几上肉神鬼鉢中兵

功德賢

天竺人劉表宣請講華嚴不諳漢語夢人持劒擎頭來換遂變華音

臂可斷頭可換人我相皆空華夷音自判

僧會

孫權時渡江來，權曰：「能得舍利，當爲造塔。」會齋七日，于金餅得之，遂建寺。

非葦航，非杯渡，七寶現祥雲，一餅開甘露。

傳弘

大士也，能分身，或長丈餘，常以飯飼虎，餘棄村中，化爲白石，可作念珠。

分身非肉，金光丈六，幻石非筏，珠顆百八。

普安

有程和者，來受法，後和死，將殮，安入喚之，卽偃起，更壽五十歲。

放出回天力，喚歸入地魂，添海屋，幻沙門。

明恭

有神力，常山行遇虎，手撮頭尾，擲之，又以僧衣置磔下，僧怪之，恭笑爲捧柱而出。

撐螭頭，擲虎尾，若卞莊之勇，過孟賁遠矣。

三六
大志

大業中除佛教上表願爇一臂以報國遂登大棚以布裹灌油爇之誦經自若

斷固可奇燒亦不測一燈之傳一臂之力

通達

將軍薛萬鈞供之欲往入內宿毆斃曰吾血污不淨可作湯洗之湯沸脫入如冰

色界已空皮囊可棄水火無情出入何意

洪昉

瞋坐來夜叉云闍羅王女病造齋請師遂閉目至齋極盛不見日食畢還已七日矣

天厨未鬼食曾冥司還佞佛火宅客齋僧

僧伽

夢神告曰天旱禾死乞夕出小指窓隙外師依之是夜大雷雨旦視之有紅線

半指虹藏一犁雨足始信苾芻即成金粟

高頭佗

居婺州建寺萬衆引繩不動師持香水念咒不假人力屹然而立

神運斧鬼引繩非跨梵咒力來現辟支身

香闍黎

止益州青城寺俗上已持酒肉遊屢勸不從因乞醉飽悉吐出皆飛走遂尸解

洗酒肉腸存乾淨地吐膾餐鳩後先一致

智廣

偶至九座山有巨蟒來師錫自飛撐住其口因入口跌坐逮出定蟒已化石矣

龍可鉢降蟒可錫卓點石歸真安禪制毒

隱峯

常擲錫空中飛身隨去忽金剛座前倒立而死其妹曰兄昔不循法死且惑人遂倒

涅槃怪飛錫傳但能頭出地何用足朝天

法璿

開元中棲薊太白山乃晉義興舊址也有天童日供天厨常夜繞多寶塔見與塔齊

經行隨塔長下箸與天通輝太白

星化童映中峯供薪水

法常

參馬祖曰即心是佛因悟棲梅子真基虎象馴侍無水象臥成池死虎銜石壘塔

象啓疆虎收場一朝梅子熟千古菜根香

義收

後梁僧旱久積薪自焚烟舉雨降將歸人遮畱乃截左臂付曰後旱禱此必應

薪可格臂可畱渾身皆春澤立念即秋收

明淨

遊天台化食回郡虎張口求食以飯納其口明日復如之唐初召祈雨度僧

焚炷乞濟餓虎乞哀石梁不渡寶筏常開

了他

閩人持律嚴三十年不浴九十七生噉猪首坐化不壞廿年爪髮復長刺血流青

無○不○垢○亦○無○無○不○淨○無○不○滅○亦○無○無○不○生○

普明

姓詹閩人幼牧牛令人瞋目隨入郡看戲倒插其梢遂成竹居金雞巖化

金雞脫○黃犢歸○迄今倒插竹猶想駐雲飛○

曲名

寶公

知人三世事胡太后問以粟喂雞呼朱朱後后爲朱榮所害

冤冤報○祝祝傳○鳳照三生石雞叅一指禪○

淨真

嘉熙時遊錢塘壩毀溢以偈呈安撫投海三日返言說經龍宮神聽不毀矣

法可說○偈可投○爲螻蟻請命笑魚鼈點頭○

王禪師

居臨川鄉常祈雨醉臥陳氏館穴壁窺之乃黑龍也未幾坐化塑骨祀之

生○胡○爲○乎○祈○死○胡○爲○乎○泥○酒○一○盞○雨○一○犁○

隆菩薩

永樂欲杜釋源籍童行謫爲邊士吳僧隆表救之自焚肉盡骸立不墜謫皆赦

骨○可○立○普○門○作○柱○石○奏○可○揚○佛○法○作○金○湯○

慧開

龍遊鑄佛像有夫婦得大鏡來捨曰此鏡若當佛心前則發心誠開像果五鏡在胸

佛○在○鏡○中○鏡○卽○是○心○鏡○在○心○中○心○卽○是○佛○

弘道

能前知鄭復禮問中曰須改元侍郎再知貢舉第二姓張同年有郭八郎俱驗

羨○前○知○服○後○驗○數○可○定○姓○名○識○已○超○常○變○

僧涉

西域人符堅時入長安日行五百里言未

龜藏胸

龍就鉢足下有奔鯨口中無亢魃

玄裝

貞觀中往西域取經至罽賓國有僧授心

偈曰

六百西來傳慧日三千東度闢慈雲

法欽

吳僧結廬徑山有老人曰我龍也願讓此

卓錫地

天欽談經物我滅雞隨行龍讓穴

洪源

明居寶坻焚化不毀作龕供之髮漸長月

焚不滅

髮長存最毒婦人手還驚佛子魂

空如師

少慕道欲婚割其勢後入陸渾山寺見野猪與虎鬪以杖揮曰檀越莫爭即散

虎之與豕孰是孰非兩端叩竭一杖皈依

楞嚴師

名子璿宋時寓精嚴寺講楞嚴經自作疏夢文殊出入口中夏竦奏號此

口中禪未盡公中公筆中傳方識天中天佛名



